

新刊國朝二百家名賢文粹

新刊國朝三百年名賢文粹卷第一百五十二

序

經史序二

周禮義序

臨川先生

士弊於俗學久矣聖上閱焉以經術造之乃集儒官訓釋經旨
將播之學校而曰安石實重周官惟道之在政事其貴賤有位
其先後有序其多寡有數其運數有時制而用之行乎法推而
行之存乎人其人足以任官其官足以行法莫盛乎成周之時
其法可施於後世其文有見於載籍莫真乎周官之書蓋其因
習以崇之賡續以綴之至於後世無以復加則豈特文武周公
之力哉猶四時之運陰陽積而成寒暑非一日也自周之衰以
至于今歷歲千數百矣太平之遺迹掃蕩幾盡學者所見無復
全經於是時也乃欲訓而發之良誠不自揆然知其難也以訓
而發之為難則又以知夫立政造事追而復之為難然竊

觀聖王制法就功取成於心訓迪在位有馮有翼置掌乎向六
服承德之世矣以所觀乎今考所辛辛乎古所謂見而知之者目
誠不自揆妄以為庶幾焉故遂昧冒自竭而志其材之非及也
謹列其書為二十有二卷凡十餘萬言上之御府副在有司以
待制詔頒焉謹序

講周礼序

無為子次公

周礼者周公建六官致太平之書也公以聖人之德極輔相之
尊通天下之志成天下之務故能作是經述是礼為万世之大
法也其略見于周官其詳載于六典六典者何治教礼政刑事
也治無不統天之道也天官冢宰以掌之教無不容地之道也
地官司徒以掌之和豫者礼其序春也春官宗伯以掌之正大
者政其序夏也夏官司馬以掌之肅嚴者刑其序秋也秋官司
寇以掌之富有者事其序冬也冬官司刑以掌之治則不言而
化也教則見於言矣禮則見於容矣政則見於令矣刑則見於

威矣事則見於物矣此其精義先後之序也六官帥其屬三百六十暮之日也自天子諸侯至于公卿大夫貴賤莫不有位自王畿至于侯甸男采衛蠻蠻遠近莫不有制自天地宗廟至于百神祀享莫不有常自正月之吉至于歲終施為莫不有時自人至于鳥獸草木養之必有其道自宮室至于車服器用制之必有其法無職不脩而王道備無物不化而歲功成此所以致太平而敵天命也不幸遭罹秦火絕我典常山自出焉遷藏祔府冬官兵既不獲其宗書士儒相傳久已晦於俗蓋其上悞其若此命儒臣以訓釋旨歸列之科選使成周太平之迹煥然著明於本朝誠千百年希闊之遇也然而執形器度數之學者不知制作之所存泥道德性命之說者不能考合以適用蓋學禮者之所蔽惟不執不泥然後能盡變通以致用而副朝廷經術造主之意不其盛歟

周禮古帝王之舊典禮經也始于太古成于周故曰周若昔星
民有欲而無禮乃亂胥戕虐人類且靈惟皇上帝哀我民無
辜而育生聖人本性植禮以養天下惟尔靈承罔敢遐迩迺始
仰乾順坤以垂宗廟公山龍介以位貴賤相生者為父祖子孫相
治者為君臣民物相合者為兄弟夫婦賓主朋友三者是而天
下之為大紀者定民始得育教愛育保惠以有其躬以至于茲
今日皇乎篤哉昔古禮之遺澤也然自創極立元初規兆集民
生未繁主業未鉅以故樸而弗彫伉而弗文若作室家既基既
宇而丹雘塗墍之未具日增月加以至于大成實有待於來世
也粵若稽古陶唐民作視包犧之禮已浸克有成九族乃邦黎
民四時百工之道固已渙乎其不可掩也有虞氏夏后氏率以
而增賁之禮樂自新法度自著稽興揆謨維見可觀若王政若
六宗若五瑞若四狩若九官十二牧若六府三事三壤庶貢聖
皇乎帝王之脩典也而繇後稷前尚曰弗繇志賢相病未有碑

極降及于周而王道成焉當是時也世變極殆跡各文武成康
四聖代作周召毛畢衆正采登九土清晏八荒會同於於黎函
代之弥文爲萬世之極則乘時應機若晝必慧確乎其不可拔
也越成王即位之七年太師兼冢宰百官定都於洛京以措太
平於千万年始具經禮勅爲成書識一國號茲用詔久傳遠垂
範無極蓋自堯舜至是凡二千餘年而是書始出則禮既大備
而不可復加矣嘗試迹之凡宇宙之間一物一名無鉅細無遠
近無幽明生死固有然毫遺軼不具以勤後業之補苴者浩乎
博哉圓生方育海停岳著不足以議其將也非聖人其孰能修
之然掌輶其凡有三而所以盡者一何謂二曰天曰地曰人何
謂一曰中爰自祭祀推步占卜祓攘之官立而夫事脩國都郊
野道路險固之官立而地事脩治教刑政禮樂事王之官立而
人事脩惟茲三者以有目咸覲迺若厥中則罔攸覲六官之元
聖意微見其辭若曰以爲民中大哉言乎民非中弗克胥正以

生中非禮罔以範天下與來世茲實上帝佑民之本旨而堯舜禹湯所以陳軌立度以啓我後人而底于大成也聖人袖闕發錦俾遐迹是訓亦瞭然著矣惟古作書序必序厥指易有序卦書有孔氏之文詩有卜商毛萇衛宏春秋三傳有杜預何休范甯惟茲大典謁焉弗聆杜子春鄭興康成更迭釋注維訓詁句讀是究是圖莫有秉筆以揭厲宗統不亦陋哉是用追述端緒以訂于前復新加首亦曰弗宜然孔卜毛杜古多此賢尚可援以爲類也故弗敢遜自天官冢宰至冬官司空凡六篇篇爲上下凡十二卷火于秦冬官之篇空焉漢河間王千金求之弗獲以考工記附其文闕遽僅麗亦先秦書也謹序

春秋傳序

伊川先生

天之生民必有出類之才起而君長之治之而爭奪息導之而生養遂教之而倫理明然後入道立天道成地道平二帝而上聖賢世出隨時有作順乎風氣之宜不先時以開人各因時而

立政暨乎三王迭興三重既備子丑寅之建正忠質文之更尚
人道備矣天運周矣聖王既不復作有天下者雖欲倣古之跡
亦私意妄爲而已事之謬秦至以建亥爲正道之悖漢唐以智
力持世豈復知先王之道也夫子當周之末以聖人不復作也
順天應時之治不復有也於是作春秋爲百王不易之大法所
謂考諸三王而不謬建諸天地而不悖質諸鬼神而無疑百世
以俟聖人而不惑者也先儒之傳曰游夏不能贊一辭辭不待
贊也言不能與於斯爾斯道也惟顏子嘗聞之矣行夏之時乘
勢之輅服周之冕樂則韶舞此其準的也後世以史視春秋謂
褒善貶惡而已至於經世之大法則不知也春秋大義數十其
義雖大炳如日星乃易見也惟其微詞隱義時措從宜者爲難
知也或抑或縱或予或奪或進或退或微或顯而得乎義理之
安文質之中寬猛之宜是非之公乃制事之權衡揆道之模範
也夫觀百物然後識化工之神聚衆材然後知作室之用於一

事一義而欲窺聖人之用非上智不能也故學春秋者必優游
涵泳默識心通然後能造其微也後王知春秋之義則雖德非
禹湯尚可以法三代之治自秦而下其學未傳千悖夫聖人之
志不明於後世也故作傳以明之俾後之人通其文而求其義
得其意而法其用則三代可復也是傳也雖未能極聖人之蘊
奧庶幾學者得其門而入矣

孫先生春秋傳序

龜山先生

孟子曰王者之迹熄而詩亡詩亡然後春秋作春秋之時詩非
盡亡也黍離降而爲國風則王者之詩亡王者之詩亡則雅不
作而天下無政矣春秋所爲作也故曰春秋天子之事也孔子
沒更秦燔書微言中絕漢興諸儒守專門之學互相疵病至入
子有異同之論况餘人乎然自昔通儒達識未有不由此而學
也熙寧之初崇儒尊經訓迪多士以謂三傳異同無所考正於
經尤爲難知故春秋不列於官非廢而不用也而士方無志

科舉之習遂闕而不講可勝惜哉高郵中丞孫公先生以其賢
餘盡發聖人之蘊著為成書以傳後季其微辭妙旨多先儒之
所未言者啓其關鍵使季者得以稽其門叩其戶以窺堂奧豈
曰小補之哉余得而伏讀之不能釋手聞所未聞多矣而其孫
廣伯乃以其書屬余為序以予之淺陋使得掛名經端自託不
腐豈不幸矣哉然承命以來于茲有年矣而不敢措筆於其間
竊謂先生以宗工鉅儒世所師仰雖片言寸簡皆足以垂世傳
後况其成書邪晚季後進妄以蕪辭巧鏤之非惟不足以為重
乃退之所謂言之適有累於高明也故絕意不敢為而廣伯之
請益至乃勉為之書其後庶乎如古之附驥尾者後之覽者於
其意而勿謂焉可也

宋宏父讀春秋序

馬狀元

董仲舒有言春秋上明三王之道下辯人事之紀別嫌疑明是非
定猶豫善善惡惡賢賢賤不肖存亡國繼絕世補弊起廢王

道之大者也春秋經世之功如此其大且著李者其身焉可也
蓋天下之道二正與不正而已矣正與不正不得獨存則一子
一奪胡可偏廢王通曰聖人達而賞罰行聖人窮而褒貶作賞
罰法也人亡而法亡褒貶經也文成不刊雖百世一時尔故知
春秋予奪之權重於王者之賞罰也孔子窮為旅人而天下後
世畏之若嚴君父者春秋之法存焉非特道為可尊也左氏公
羊氏穀梁氏各依經作傳義有殊趣參訂可也折衷可也至於
事有乖背邈不可合如君氏尹氏者婦人與男子之異也如仲
子者祖母與妾母之異也如子氏者妾與母妻之異也如此之
類當如何以處之且謂左氏者丘明耶非乎以為非則何所質
正以為是則生與孔子同時孔子嘗曰左丘明耻之丘亦耻之
其好惡與聖人同豈畔經而妄作乎竹書紀年與左傳符同竹
書盡魏哀王之二十年左氏所載在魏哀之前而一家著說經
素父之後將以前者所著為可信乎將以後者遠者為可信乎

公羊之傳聞沈子司馬牛李廖子高子其子而穀梁亦取
尸子之言餘皆授於其師有不出於師授者則曰公羊子去然
穀梁子去然是知一家出於傳聞而傳之非一豈非左氏授經
於孔子見而知之見而知之其義傳聞而知之異矣今李者依
經攷事則必以左氏爲據按左氏則可攷者幾希矣左氏經書
孔立卒在僂之後二家經書孔子生在經文之外在僂之
後者魯史之文也雖存之以示終可也在經文之外者附益之
語也經可益乎春秋聖人所筆削而謂聖人自記其生日乎經
可損益則傳可知矣嗚呼春秋不可以不爲而爲春秋者常失
於好辯好辯必好勝故其說紛然至於有礙不通則復出後說
以補救之此李者之過也善乎莊周著書有曰齊物論者其言
曰春秋經世先王之志聖人議而不辯議者何李大義而知歸
者也辯者何務辯別以立說者也莊生去孔子百歲而近其說
如此使其生數百載之後其肯更聘其辯乎豈有春秋之李最

發於蜀蜀之士人哀類衆說號爲百家春秋可謂富矣然說者
愈多而尋者益惑良可歎也宋宏父作讀春秋十五篇公詩三傳
之異義而折衷以簡易徑直之理其事則取左氏而疑者闕之
於是讀者坦然乎胸中如觀白黑其知言之要歟夫疑以傳疑
則信者信矣蓋猶闕其其他乎經且闕疑況於傳乎至於酌
取所記以附後世之事跡而并論焉此又讀春秋之功也

洪慶善春秋太旨

龍溪先生

六經言理所以啓天下之未然春秋言法所以正天下之已然
庶未然而宜難明正已然者宜易見自春秋以來尋者何其紛
紛耶曰言理者若繫圓捕影然率推而墮諸混濛之中人得以
私見附會而迁就之曰聖人之道猶是雖辯者莫之能詰此所
以誣經而欺世者庶世庶人言法者如操權衡待物差之毫釐
其失立見故曰言春秋者難然則聖人之心卒不可求歟曰理
與法相爲表裏經之書人事出其中言春秋者以六經訂之

其是非安所能哉所以闇而不明者在擇之不精而爲衆說所
眩耳故曰不深於六經未有能知春秋者也丹陽洪慶善少以
通經術知名天資既高力學又至嘗以平生所得於六經者爲
春秋本旨二十餘方言援引古訓轉相發明卓然出於三傳之
外雖仲尼復生吾知其不能易也一日出其書示余余爲之大
息曰嗟乎聖人所以望於後世者豈崇空言而分章析句之謂
哉昔觀漢儒以春秋專門者無虛數十家其誦說至今者董仲
舒公孫洪劉向父子數人而已非以其有益於世耶故當時朝
廷設大疑斷大事未嘗不質之春秋而時君所以督責其臣者
亦必令以春秋對蓋古人以經爲師者如此何必杜門沾筆藁
同罰異而爲區區墨守之計哉慶善之書其知此矣異時公卿
宰辟雍封禪巡守之儀問諸儒莫知其源有人垂紳正笏大
議於五談之間使在廷咨嗟皆自以爲不可及者必應書也

以經惟春秋為仲尼作聖人見其所志之書也學而不明乎是
非何以為人治而不明乎賞刑何以為國此書之所以作而為
萬世法也雖曰以匹夫而行天子事有所謂雖而成章者然其
變身乎出乎天下是非之公豈故為殊絕甚高之論使人有不
可及之嘆哉不知班固何所授之立為弟子退而異言之說開
後世諸儒相詬病之端使當時或有異同不厭復古游夏之徒
不能贊一辭也孟子去孔子百餘年今其書不過曰詩云然後
春秋作孔子成春秋而亂臣賊子懼知我有春秋非我者春秋
未嘗自言置疑於其間也彼亂臣賊子者豈曉然知道理之人
哉一見春秋而知懼焉非懼聖人之書也懼天下是非之公也
自三傳興而聖人之經始不勝其煩好異者曰聖人之言自然
幽深必有不可以近情常理度者當直愚而力探之於是枝葉
紛紛無所不至人人務其已說之勝而莫知求至當之歸乃至
子而以公學為非弟子而以師說為愚況其他哉然則春秋不

明三傳亂之也本朝自熙寧以來學者廢春秋不用數十年間
篤學而好之者亦不爲無人然一時章分句析之學勝故雖春
秋亦穿鑿破碎而不見聖人之渾全政和間余過山陽吳園先
生張公在焉先生謂余曰學春秋而不編年死以學爲也吾嘗
以諸國縱橫列而類見之聖人之意了然矣當今子見吾書余
未及授而先生亡紹興八年公之子尚書壽夢春秋入侍願融
于時歎其先生之書盛行於士大夫間因得伏而讀之曰嗟乎
聖人之意豈遠哉曲學蔽之耳先生閉戶讀書二十餘年其
見於世者固已碩大光明而所出裁一二而已則求聖人之意
而得之者豈獨此書哉雖然以此書考之先生之志亦可以概
見矣

春秋紀詠序

洪忠宣公

董生有言有國者不知春秋則有譴而不見後有賊而不知爲
人臣不知春秋守經事不知其宜遭變事不知其權是則春秋

經世學者所當知也。啖氏有言：春秋之文簡易如天地，著明如日月，三傳之失經旨，後人不識宗本，因傳迷經，因疏迷注，是則春秋與義學者未易明也。柳子有言：說春秋者百千其人矣，其為書處則充棟宇出，則汗牛馬，窮老盡氣莫得而本，是則春秋衆說，學者患其繁也。僕幼好此書，深求其意，孜孜講肄，星竊書於賢閣，錄歸櫛承，久徒勞於仕路，耽于坐隱，困於賓談，李殖荒蕪詞源，亂散念熙寧政和之際，斯文具存，逮靖康建炎之間，茲邦復設時，雖用武主寔，右文增置絳帳之員，振鼓青衿之志，尚慮聖經深秘，傳訓異同，注惑顛倒，疏迷捷徑，諸家解釋橫議紛紜，寡欲刪其繁辭，繹以成說，俄鍾厄運，荐遭閔凶，殘喘苟延，宿心遂負，既出疆以結好，尋屈盟寒，復除館以繫留，患踰內熱，蹢跚度日，荏苒終星，學書誦誦，徒騷心而揚耳，書空咄咄，漫思以舌。傷今倏過，始衰之年，方恥無聞之畏，召茲塊塊，收歛桑榆景行。前人日戢古記，經必究其喪貶，未免闕疑傳道，余其依違寧志。

糾謬注疏闢略經史旁通僅成千篇皆以四句恨典籍之甚少
慙聞見之無多聊啓規頤之端冀明筆削之意言閔美刺庶率
循於舊章休之風騷雅見嗤於流俗盡貴耳賤目常人之情而
專古軍今率者之病說詩聞禮謂高第之啓予觀史脩經期後
世之知我將聖尚尔蠢愚謂何玄經之苦楊雄劉子駿初亦致
誚詩史之窮杜甫王昌齡輒敢求疵雖不自量違恤不謗姑欲
貽子佩韞何庸示於播紳前執政宇文公大名鏗錫英等溫潤
嘉易而作傳南紀宗師采魯史以立言北方矜式縱聞後進之
詠亟辨先朝之誣製序訓名殆將託於不朽斷疑傳信固可則
之元窮請俟他年別爲集解

春秋講義序

東萊先生

學欲切而思欲近吾夫子作春秋蓋以深切自命而傳經者亦
謂撥亂世反之正莫近春秋君子將用力於切近之地置是經
其何從貴者其宜讀是經矣降隱訖哀閱君士二其褒者既往

之功也其賤者既往之罪也其國其爵其氏其名皆既往之陳迹也終日歷數古人之臧否而我無預焉不識所謂切近者果何等語意者夫子之褒貶者古而警今耶生同世居同里榮悴休戚尚有旁觀乎晚渙然如不見者況用賞罰於塚中枯骨若今人何聖人之作經殆不如是也然則春秋所謂切近者豈無所在耶通古今爲一時合彼已爲一體前扣後應彼動此隨然後知吾夫子之筆削本非爲他人設苟尚有絲髮之蔽判然以爲一物矣經非踈我而我則踈經蓋內訟我之未近不當妄疑經之遠也其始學者也切近用力之地何足以知之敬因諸君問津焉

新刊 國朝二百名賢文粹卷第

一百五十二

序

經史序三

古文孝經指解序

司馬溫公

聖人言則為經動則為法故孔子與曾參論孝而門人書之謂之孝經及傳授滋久章句浸差孔氏之人畏其流蕩失其故取其先世定不雜虞夏商周之書及論語藏諸壁中句使人或知之則旋踵散失故雖子孫不以告也遭秦滅至天下之書掃地無遺漢興河間人頗知之子得孝經十八章儒者相與傳之是為今文及魯恭王策孔子宅而古文始出凡三十二篇當是之時今文之孝已盛古文排根不得列於孝官獨孔安國及後漢馬融為之傳諸儒當同疾異信偽疑具是以歷載累百而孤李沈默人無知者隋開皇中秘書李生王逸於陳人處得之河間劉炫為之作稽疑一篇將以興墜起廢而時人已多譏笑之者

及唐明皇開元中詔議孔鄭一家劉知幾以爲宜行孔廢鄭於
是諸儒爭難鄭氏遂不行鄭氏及明皇自注遂用十八章爲定先
儒皆以爲孔氏避秦而廢書臣竊疑其不然何則秦世科斗之
書廢絕已久又始皇三十四年始下焚書之令距漢興纔七年
耳孔氏子孫豈容未無知者必待恭王然後西出蓋始藏之時
去聖未遠其書冒取直與夫亡國之人轉相傳授歷世疎遠者誠
不作矣且孝經與尚書俱出壁中今人皆知尚書之真而疑孝
經之僞是何異信膾之可啗而疑炙之不可食也嗟乎真爲之
明瞭若日月而歷世爭論不能自伸其中異同不多然要爲得
正此學者所當重惜也前世中孝經多有五十餘家少者亦不
減十家今秘閣所藏止有鄭氏明皇及古文三家而已其古文
有經無傳案孔安國以古文特無通者故以隸臚寫尚書而傳
之然則論語孝經不得獨用古文此蓋後世好事者用孔氏傳
本更以古文僞之其文則非其語則是也夫聖人之經高誦幽

遠固非一人所能獨了是以前世並存百家之說使明者擇焉所以廣異慮重經術也已愚雖不足以度越前人之骨髓關望先聖之藩籬至於時有所見亦各言尔志之義是敢輒以隸寫古文爲之指解其今文舊注有未盡者引而伸之其不合易而云之亦未知此之爲是而彼之爲非然經猶箭也一人射之不若衆人射之其爲取中多也且不敢避狂僭之罪而庶幾於先王之道萬一有所伸焉

論語講義序

前溪先生

孔子之述脩見於經其言行見於論語周衰道德散亡聖人在下當年不能用而空文素世更以俟來世者皆非得已也聖人語默之間無非法言出處之際無非法行而論語所記記其可知者而已蓋受徒三千則問酢非一端歷國七十則與聞非一政今所記者皆中庸體方之事則其精微心術不見於書者蓋多矣然而言行之門於此有指焉夫言非一信也詩書執禮則

在所雅言惟力亂神則在所不語行非一謹也無可無不可以
之趨時或見或不見以之立已鄉黨宗廟其爲言不同仁孝政
事其爲言各異從周也從先進也所從必有義往公山也往佛
射也所往必有命師也過商也不及求也退也兼人此隨其要
而箴之也君子哉蘧伯玉小人哉樊須此因其實而名之也耻
與左丘明同而不爲汚行藏與顏淵公而不同爲素進玄邇非和
也拒孺悲非隘也時怒至於叩原壤時喜至於戲子將縱橫合
散不常一體而皆一人之事也雖然託言而已所以言者不能
窮也記行而已所以行者不能極也夫以曾參多賢所知者忠
恕而一以貫之不與焉子貢之辯所聞者文章而性與天道不
與焉故曰論語所記記其可知者而不可知者非持此也雖群弟子之
言行有足記者又出於其間則亦以矢道接之同師貢之善盡
在是矣

古文孝經三十二章與尚書論語同出於孟氏漢中歷世諸儒
疑其莫能明故不列于學官公文十八章自唐明皇爲之注遂
行於世三書雖大同而小異然得其真者古文也臣今竊以古
爲據而申之以訓說雖不足以明先王之道庶幾有萬一之補
焉元祐三年八月日謹上

論語序

龜山先生

孝者之視聖人其猶射之於正鵠乎雖巧力所及有遠近中否
之不同齊然未有不志乎正鵠而可以言射也士之去聖人或相
倍蓰或相什百所造固不同然未有不志乎聖人而可以言學
也道廢千有餘年自家之言盈天下學者將安取正乎質諸聖
人而已矣夫論語之書孔子所以告其門人群弟子所以孝於
孔子者也聖人之傳其不在茲乎然而其言近其指遠世儒以
其近也易之以爲童子之習而莫之充入德之途背而去之如
在荒墟之中與世遠隔以託宿焉况能宅天下之廣居乎善夫

伯樂之論馬也。以爲天下馬不可以形容筋骨相視。其所視而
適其所不視。則馬之絕塵弭轡者。無遺矣。余於是得爲李之方
焉。夫道之不可以空言傳也。審矣。士欲窺聖學淵源。而區區於章
句之末。是猶以形容筋骨而求天下馬也。其可得乎。余於是書
色物壯壯有。知者蓋多矣。李者能視其所視。而遺其所不視。
則於余言甚矣。矣乎。

定國注論語序

淮海先生

元豐二年眉陽蘇公用御史言。又步謗訕。屬吏獄具。天子薄其
罪。謫爲黃州團練副使。於是梁國張公洛水司馬公等三十六
人坐厚善眉陽。得其文。以不仕。皆削金而太原王定國相家子
少知名。一朝坐交。昨午海上皆意其日飲無何不復以筆硯爲
職矣。而定國至海濱。益自刻勸。晨起入局視鹽稅之事。惟謹。退
則窮經著書。或賦詩自娛。非疾病慶吊不廢。七年罷還。詣東
門奏書曰。臣無狀。垂憐先臣之故。僭列仕版。不能慎事。陷

於罪戾念無以自贖間因職事之暇妄以見生成論語十卷未
敢以聞惟陛下裁哀之明日詔御藥院取書未報而神宗棄
天焉呼自熙寧初王氏父子以經術得幸刊其說於大學凡置
博士試諸公皆以新書是事不合者罷黜之諸儒之論廢矣定
國於特處放逐之中憂瘴瘴瘴之地乃能自信不惑著成一家
之言至天子聞之而下取非其氣過人何以及此傳曰天不為
人之惡寒而輟其冬地不為人之惡陰而輟其實君子不以小
人之匈匈而易其行於斯言也可信余比多事未獲請觀其書
而定國適以副本來屬余為序顧余文之陋豈能發定國之所
蘊乎姑掇其大槩使夫覽之者知定國著書之時為如此又知
神宗之嚮經術亦非主於一家而已

景博先生論語講義序

箕山先生

季必論世不則必有師苟不以世而又不以師其說孰為之自
勵夫經與天地參而或有不傳其傳者非經亡也不尊信其所

自蓋及已之意逆之聖人之言如此我則以爲聖人豈爲是淺
哉言乎推之極於崇深博大以不可測究爲高故凡後之說經
者皆非聖人之意也經之亡是果秦耶漢之諸儒則尚知尊信
其所自非嗣其家乘其師則不得在秦官願猶有張禹之徒果
哉無所畏託善言以侮善春秋矣嗚呼公復何言惟子家則尚
仍漢儒之舊文元公之學其如源乎江漢而放爲大川四傳而
及予族伯父景迂先生則既合於海矣雖然道之不傳其亦久
焉國朝司馬文正公始復得其傳者也文正公自謂迂叟子族
伯父平生所敬慕故自稱曰景迂生賈惠於易書詩春秋孝經
論語皆爲之傳而易之業則勤且久矣始本諸京房者十年已
乃從楊賢寶而究邵堯夫之學者又三十年孰敢逆之以吾之
意耶蘇子瞻嘗論其卒鼓揮五經理致超然不踐陳迹是諸每
聖人者吾不踐焉云尔嘗爲磁州武安令其時士者誑服於斯
文哉乃獨取論語与邑之諸生講說豈不以不自論語而觀諸

經則亦莫知夫經之用而吾亦何以化民乎哉既老 欽宗用
爲中書舍人且侍太子講學則請先讀論語孝經而後孟子書
所以尊聖人而不敢侮有以施於政規漢之儒林循吏不相爲
用而各自以爲傳者斯陋矣其文字則多錯諸古文石經其義
則守吾家之學與夫先儒之所傳非止爲是武安諸生出也固
嘗爲今文小傳十卷古論大傳五卷惜亡矣寧若近世時序師
塾長矜苛尚異不適於用而務富其辭無所自者耶予每念世
之學者豈樂沒溺於今之習而不自返於古殆未有以告之歟
景迂先生凡爲之傳者世既不得而見也世見於斯講說其尚
不返於古予不信焉

語解序

南軒先生

學者學乎孔子者也論語之書孔子之言行莫詳焉所當終身
盡心者宜莫先乎此也聖人之道至矣而其所以教人者大略
則亦可睹焉蓋自始學則教之爲弟爲子之職其品章條貫不

過於穀氣容色之間洒掃應對進退之事此爲人事之始然所謂天道之至顯者初亦不外乎是聖人無隱乎爾也故自始學則有致知力行之地而極其終則有非思勉之所能及者亦貴於行著習察盡其道而已矣孔子曰道之不行也我知之矣智者過之愚者不及也道之不明也我知之矣賢者過之不肖者不及也秦漢以來學者失其傳其間雖或有志於力行而其知不明猶埴索塗莫適所依以卒背於中庸本朝河南習子始以窮理居敬之力開示學者使之有所循求以入堯舜之道於是道孝之傳復明於千載之下然近歲以來學者又失其旨曰吾惟求所謂知而已而於躬行則忽焉故其所知特出於臆度之見而無以有諸其躬識者蓋憂之特未知致知力行互相發之故也孔子曰學而不思則罔思而不學則殆歷攷聖賢之意蓋欲使學者於此二端兼致其力始則據其所知而行之行之力則知愈進知之深則行愈達是知常在先而行未嘗不隨之也

有精粗必由粗以及精行有始終必自始以及終為外交正本
末不違條理如此而後可以言無弊然則聲氣容色之間洒掃
應對進退之事乃致知力行之原也其可舍是而他求乎願其
何足以明乎斯道輒因河南餘論推以已見強論語說為同志
者切磋之資而又以此序冠于篇首焉

洙泗言仁序

南軒先生

昔者夫子講道洙泗示人以求仁之方蓋仁者天地之心天地
之心而存乎人所謂仁也人惟蔽於有已而不能以推失其所
以為人之道故學必貴於求仁也自孟子沒寥寥千有餘載間
論語一書家藏人誦而真知其指歸者何人哉至本朝伊洛二
程子始得其傳其論仁亦異乎秦漢以下諸儒之說矣學者所
當盡心也其讀程子之書其間教門人取聖賢言仁處類聚以
觀而体認之因哀魯論所載疏程子之說于下而推以已見題
曰洙泗言仁與同志者共講焉嗟乎仁雖難言然聖人教人求

仁具有本末譬如飲食乃能知味故先其言而後其獲所以爲仁而難莫難於克己也學者要當立志尚友講論問辯於其所謂難者勉而勿舍及其久也私欲浸潛天理益明則其所造將有不可勝窮者若不惟躬行實踐之務而懷蘄獲之心起速成之意徒欲以聰明揣度於語言求解則失其傳爲愈甚矣故愚願與同志者共講之庶幾不迷其大方焉

孟子序

龜山先生

道之不行久矣自周衰以來處士橫議儒墨異同之辨起而是非相勝非一日也孟子以皆知剛明之材出於道學陵夷之後非堯舜之道不陳於王前非孔子之行不行於身思以道援天下紹復先王之令緒其自任可謂至矣當是之時人不知存亡之理恃強威弱挾衆暴寡以謂久安之勢在此而已夫主其道則七十里而興不由其道雖天下而亡古今之常理也彼方恃強挾衆而驟以仁義之言誘之動逆其所順則不悟其理者豈

其迂闊而不足用也故轍環於齊魯魯未之郊而道終不行亦其勢然矣雖膏澤不下於民其志不施於事業而世之賴其力亦豈鮮哉方世衰道微使儒墨之辨息而效言詖行不得逞其志無君無父之教不行於天下而民先於禽獸則其為功非小矣古人謂孟子之功不在禹下亦足為知言者之今其書具存其要皆言行之迹而已君子之言行無所不在道肆諸筆舌以傳後世皆所以明道也藪諸身指諸用皆所以行道也世之學者者因言以求其理由行以觀其言則聖人之庭力可漸而進矣精思之力行之古之好學者皆然而亦不肖之所望於諸君也然聖言淵懿非淺識所知茲誦所聞未知中否諸君其擇之反以告焉是亦朋友之義也

孟子講義序

南軒先生

學者潛心孔孟必得其門而入愚以為莫先於義利之辯蓋聖學無所為而然也無所為而然者命之所以不已性之所以不

術而教之所以無窮也。自非卓然先審乎義利膏粱之判審思
力行不令晷刻其能真有得乎。蓋自未嘗省察者言之終日之
間鮮不為利矣。非特名位貨殖之慕而後為利也。此其流之甚
著者也。凡處諸呂父子夫婦以至朋友鄉鄰之間起居語言之
之際意之所回一涉於徇己自私是皆利也。其事雖善而內交
要譽惡其蔽之念或萌于中是亦利而已矣。方肖公營營膠擾
不暇善端遏塞人偽日滋而欲適聖賢之門牆以求自得豈非
却行以望及於前人乎。縱使談高說妙不過渺茫臆度矍猶無
根之木無本之木其何益乎。諸君果有意乎則請朝夕起居事
事而察之。覺其有利之意則願深思所以消弭之方。學然後
知不足乎。持未覺吾利欲之多也。慨然有志於義利之辨將自
收過不暇矣。由是而體認則良心發見豈不可識乎。涵濡之久
其趣將益深而所進不可量矣。孔子曰古之學者為己今之學
者為仁。為人者無適而非利。為己者無適而非義。利雖在己

之事亦爲人也曰義則施諸人者皆爲已也爲已者無所爲而然者也嗟夫義利之說大矣豈特學者之所當務爲國家者而不明乎是則足以召亂釁而啓禍源王者之所以建立邦本而從無疆以義故也而霸者所以陷溺人心流毒後世以利故之孟子生於亂亂之世發揮天理遏止人欲深功著明被亂天正之大綱也其微辭奧義淹載下篇之書如某者雖曰代膺而學力未充何足以窺究万一試以所見與諸君共講之願深思焉

新刊 國朝二百家名賢文粹卷第二百五十四

序

文集序二

呂獻可章奏集序

司馬溫公

歐陽觀文有言士宰古懷道者仕於時不得為宰相必為諫官
諫官与宰相等坐于廟堂之上与天子相可否者宰相也立乎
殿陛之前与天子爭是非者諫官也宰相九卿而下失職者受
責於有司諫官失職者取譏於君子有司之法行乎一時君子
之譏者之策書而昭明垂之万世而不泯誠哉是言也夫士之
居其任果能不失職者亦鮮矣獻可為臺諫官前後凡若干年
遇黜者三皆以彈奏執政確切不已天子重傷大旨意不得已
而黜之其直聲赫然振動天下自此百官之愆違政事之闕少
苟与之同時無強弱大小知无不言言無不尽如獻可者於其
職素可謂無所愧負矣古之人号死而不朽者如戚文仲既没

其言立是也然文仲之言傳於今者無幾蓋時人不能存錄遂使遺逸豈不惜哉某於獻可忝備僚友獻可平生造膝不言固不可得而聞今既沒其子由庚等搜求章奏遺本得二百余篇其請而序之俾後之人察其言足以知獻可之心然則獻可身雖沒其心長存也嗚呼獻可以直道自立始終無缺而官止於太中大夫年止五十八彼不以其道得者或位至將相壽及胡者從愚者視之則可爲憤邑從賢者視之以此况彼所得所失孰爲多少邪後之人得是書者宜寶之當官事君苟能效其一二斯爲偉人矣

樂全先生文集序

東坡先生

孔北海志大而論高功烈不見于世然英偉豪傑之氣自爲一時所宗其論盛孝章郝滹潒書慨然有烈士丈夫之風諸葛孔明不以文章自名而開物成務之姿綜練名寔之意自見於言語至出師表簡而盡直而不肆大哉言乎与伊尹說命相表裏非

秦漢以來以事君爲悅者所能至也常恨二人之文不見其全
吾視今樂全先生張公每道其無幾乎烏乎士不以天下之重自
任又果言語非不工也政事文章非不敏且博也然至於臨大
事鮮不忘其故失其守者其器小也公爲布衣則頎然已有公
輔之望自少出仕至老而歸未嘗以言徇物以色假人雖對人
主必同而後言毀書不動得喪若一真孔子所謂大曰以道事
君者世遠道散而志士仁人或少貶以求用公獨以邁往之氣
行正大之言曰用之則行舍之則藏上不求合於人主故雖貴
而不由用而不尽下不求合於士大夫故悅公者寡不悅者衆
然至言天下偉人則必以公爲首公尽性至今躰乎自然而行
乎不得已非漸以文字名世者也然自慶曆以來訖元豐四十
余年所與人主論天下事見于章疏者多矣或用或不用而皆
不於礼義合於人情是非有考於前而成敗有見於後及其他
詩文皆清遠雄麗見者可以想見其爲人信乎其有似於孔北

海諸葛孔明也。軾年二十以諸生見公。成都公一見待以國士。今三十余年。所以開設成就之者至矣。而軾終无所效尺寸於公。者獨求其文集。手校而家藏之。且論其大略。以待後世之君子。昔曾魯公嘗爲軾言。公在人主前。論大事。他人終日反復不能盡者。公必數言而決。粲然成文。皆可書而誦也。言雖不盡。用然慶曆以來。名目爲人主所敬。莫如公者。公今年八十一。杜門却掃。終日危坐。將与造物者游於無何有之鄉。言且不可得聞。而况其文乎。凡爲文若干卷若干首。

范文正公文集序

同前

慶曆三年。軾始摠角入鄉校。士有自京師來者。以魯人石守道所作慶曆聖德詩示鄉先生。軾從旁竊見。則能誦習其文。問先生以所頌十一人者。何人也。先生曰。童子何用知之。軾曰。此天人也。取則不敢知。若亦人耳。何爲而不可。先生奇軾言。盡以告之。且曰。韓范富歐陽此四人者。人傑也。時雖未及。了則已私識

之矣嘉祐二年始奉進士至京師則范公沒既葬而墓碑出讀
之至流涕曰吾得其為人蓋十有五年而不一見其面豈非命
也歟是歲教養弟始見知于歐陽公因公以識韓富晉以國士待
軾曰恨子不識范文正公其後三年過許始識公之仲子今丞
相堯夫又六年始見其叔彞東京師又十一年遂而其季德孺
同僚于徐皆見如舊且以公遺藁見蜀為叙又十三年乃克
為之嗚呼公之功德蓋不待其文而顯其文亦不待叙而傳然
不敢辭者以公歲知敬愛公今四十七年矣彼三傑者皆得從
之游而公猶不識以為平生之恨若獲挂名其文字中以自記
於門下士之末豈非疇昔之願也哉古之君子如伊尹太公管
仲樂毅之流其王霸之略皆定於歌詠中非仕而後孝者也淮
陰侯見高帝於漢中論劉項短長畫取三秦如指諸掌及佐帝
定天下漢中之言無一不酬者諸葛孔明卧草廬中而先主策
曹孫權規取劉璋因蜀之資以爭天下終身不易其言此豈

口傳耳受嘗試為之而僥倖其或成者哉公在天聖中居太夫人憂則已有憂天下致太平之意故為方言書以遺宰相天下傳誦至今用為科擢為執政考其平生所為無出此書者今其集二十卷為詩賦二百六十八為文一百六十五其於仁義禮樂隆信孝弟蓋如飢渴之於飲食欲湏臾而不可得如火之熱如水之濕蓋其天性有不得不然者雖善於辭論而作必歸於此故天下信其誠孚師尊之孔子曰有德者必有言非有言也德之藝於口者也又曰我戰則克祭則受福非能戰也德之見於忠者也元祐四年四月二十一日

南行集序

同前

夫昔之為文者非能為之為工乃不能不為之為工也山川之有雲草木之有華實充滿勃鬱而見於外夫雖欲無有其可得邪自少間家君之論文以為古之聖人有所不能自己而作者故輒為弟轍為文至多而未嘗敢有作文之意也方之歲時行

適楚舟中無事博弈飲酒非所以爲闔門之歡而山川之秀美
風俗之朴陋賢人君子之遺跡而凡耳目之所接者雜然有觸
於中而發於吟歎蓋家君之作與弟轍之文皆在凡一百篇謂
之南行集將以識一時之事爲他日之所尋繹且以爲得於談
笑之間而非勉強所爲之文也時十二月八日江陵驛書

六一居士集序

同前

夫言有大而非夸達者信之衆人疑爲孔子曰天之將喪斯文
也後死者不得與於斯文也孟子曰禹抑洪水孔子作春秋而
子拒揚墨蓋以是配禹也文章之得喪何與於天而禹之功內
天地也孔子孟子以空言配之不已夸乎自春秋作而亂臣賊
子懼孟子之言行而揚墨之道廢天下以爲是固然而不知其
功孟子既沒有申商韓非之李連道而迎利殘民以厚土其說
至陋也而士以是居其上上之人僥倖一切之功靡然從之而
世無大人先生如孔子孟子者推其本末權其禍福之輕重以

救其惑改其季遂行秦以是喪天下陵夷至於隳廣劉項之禍
死者十八九天下蕭然洪水之患蓋不至此也乃秦之未得志
也使復有一孟子則申韓為言作於其心害於其事作於其
事害於其政者必不至若是烈也使揚墨得志於天下其禍豈
減於申韓哉由此言之雖以孟子配禹可也太史公曰蓋公言
黃老賈誼晁錯明申韓錯不足道也而誼亦為之余以是知
邪說之移人雖豪傑之主有不免者況眾人乎自漢以來道術
不出於孔氏而亂天下者多矣晉以老莊二梁以佛二莫或正
之五百餘年而後得韓愈學者以愈配孟子蓋庶幾焉愈之後
三百有餘年而後得歐陽子其孝推韓愈孟子以達於孔氏者
孔樂仁義之實以合於大道其言簡而明信而通引物連類所
之於至理以服人心故天下翕然師尊之自歐陽子之存世之
不說者譁而攻之能折困其身而不能屈其言士無賢不肖不
謀而同曰歐陽子今之韓愈也宋興七十餘年民不知兵禍

而教之至天聖景祐極矣而斯文終有愧於古亦因陋守
論卑而氣弱自歐陽子出天下爭自濯磨以通經學古為高
救時行道為賢以犯顏納說為忠長育成就至嘉祐號稱名
士歐陽子之功為多嗚呼此豈人力也哉非天其孰能使之歐
陽子沒十有餘年一始為新學以佛老之似亂周之賢識者
憂之賴今天子明聖詔修取士法風厲學者雖遠矣然異端
然後風俗一變考論師友淵源所自復知新學歐陽子之書子
得其詩文七百六十六篇於其子棐乃次而論之曰歐陽子論
大道似韓愈論事似陸贄記事似司馬遷詩賦似班固此非余
言也天下之言也歐陽子諱脩字永叔既老自謂六一居士云

王子立文集敘

賴濱先生

昔子旣壯有二賢曰文務光王適務光俊而剛適秀而和子方
從事南都二子從子季為文皆長於詩騷然務光之文悲哀摧
咽有江文通孟東野感物傷已之思子每非之曰子有父母昆

弟之樂何苦爲此務光終不能改也既而喪其親終喪五年而
終子哭之慟曰悲夫彼其文固有以非之乎殆子自南都謫居
江南凡六年而歸適未嘗一日不從也既與子同憂患至於海
泳圖史馳騫浮圖老子之說亦未嘗不同之故其間道益深爲
之益高而子觀之亦益久蓋其於兄弟妻子嚴而有恩和而有
禮未嘗有過故子嘗曰子非獨子親戚亦朋友也元祐四年以
子奉詔使契丹九月君以女弟將適人將薨濟南之三以遺之
告子爲一月之行明年春還自契丹及境而君書不至子固疑
之及家問之曰噫嘻君未至濟南病沒於奉高子哭之失聲君
大父諱駿慶曆中樞密使以厚重氣節稱考諱正路尚書比部
郎中樂易好施得名於士大夫而君以孝友文章居其後謂當
父遠而中道天理有不當然者況子老矣而并失此二父能無
悲乎君之沒女初未能言而子裔未生君弟適普與君交孫始
識子兄子瞻子瞻皆賢之意王氏之遺懿其卒在通三適哀君

之文傳詩書中賦詩雜文若干分爲若干卷以示于讀之
流涕爲此文冠之庶幾俟商能立以昇之

公是先生文集後序

劉編脩貢文

公是先生搜集七十五卷叙文字爲五種古詩集二十卷律詩
集十五卷諸五言七言歌行篇曲皆歸之詩內集二十卷諸議
論辯說傳記書序古賦四言文詞箴贊碑刻銘誌行狀皆歸之
內集外集十五卷諸制誥章表奏賦殿議齊文覆論皆歸之外
集小集五卷諸律賦書啓皆歸之小集大凡若干篇古今之文
人多矣其能道肯中之蘊精暢物理之有與合衆美以爲已用
超倫類而獨得使其語言如其心其馳騁極所欲壞偉奇異放
肆自若非夫豪傑之士不能至是故自商韓管商慎墨屈原之
倫其道未必皆是而其書傳焉雖然猶之貴文也若夫原性命
之統貫誠明之本考百子之雜博別其真偽雖至于六經可折
衷也極帝王之治奉事有功雖在于今日可按行也是好古博

物之士所以貴乎學聖人而得其道者嗚呼先生之文優出
於前人者在是矣傳曰情深而文明氣盛而化神惟深故能通
天下之志以極萬物之理則文有不明者乎盛如四時物育賁
子彫刻衆形萌芽天條無有不備是之謂神故古今之士智有
所不同文有所不明由其情之蹇淺也知其一不知其二善於
此不善於彼由其氣窳而仁狹也烏乎先生可謂備矣傳曰不
知言無以知人也先生之言孰有知之者哉言可知也先生爲
常存也是故有志聖人者許其道貫穿諸子者觀其辭絕用富
世者尚其辭莫不有慕歸之道焉合而觀之若韶護武象之天
覆地載也離而聽之若琴瑟磬管之迭奏靜深要妙歸於平心
氣感神明而已乎先生論春秋易象七經說弟子記八載集中
其別錄云

東宮錫燕集序

上之元祐二年秋九月壬戌御邇英閣召侍臣講論諸事甲子

賜燕于東宮命宰臣主之執政及講讀起居之官預焉遣中使
勸侑命卒飲所以寵勞甚厚中燕又遣中使賜御書唐人詩各
二首凡十有三人拜賜于庭榛觀皆驚歎喜抃太師彥博以疾
不赴遣中使就第賜之翌日彥博以下上表謝講讀起居之官
又進詩以謝於是哀而輯之目其拜手稽首言曰伏犧氏觀河
圖畫八卦始爲書以紀萬事昭明天下聖人務爲洪惟祖宗皆
好筆札皇帝生知天縱典學日新繼文守成克篤前列聖作神
契得之自然而嗣位以來群臣未嘗獲觀真迹今茲儒目首被
此路非夫稽古好學研精儲賜不承列聖之顯謨奉若文母之
慈訓則何以躬勤翰墨假寵儒臣如此其至于其所輯題曰東
宮錫宴真字資善俾有司掌之以爲故事既又各藏其副以傳
之子孫元祐二年九月日臣某謹序

故蹟遺文序

王深父

傳古者莫壽於竹帛而世以金石爲最壽者惑於迹也彼徒見

其剛堅之質大書而顯刻之安於屋壁山岳之中藏覆遮護國
有官守家有子孫外物莫能尋其隙而傷則以爲傳於万世不
朽矣然而存於今者六經百氏之文皆竹帛所載而其被於今
石特以爲最壽者其存无幾往往復漸剥缺訛非反質於竹帛
所載六經百氏之文則不可得而讀其不載於竹帛而迹遂
因而泯沒者可勝道哉其官守子孫今誰國而誰家也由此觀
之盖未有恃其久而全者夫金石誠壽者而人力不足以保於
其外竹帛之壽固不如金石人知其不可恃也然衆傳而廣之
衆傳而廣之雖後万世猶今日也則金石之壽尚可以較其短
長哉予嘗閱古鍾鼎碑碣之文以證諸史及它傳記其褒頌功
德雖不尽信而於年月名氏山川風俗與其一時之文采制度
有得其詳而史傳追述乃其概耳惜乎曩所聞者今已磨滅殆
盡而今所見者後數百年不知又磨滅幾何也故采其宗可讀
者首尾編之因次吾說爲序号曰故蹟遺文夫古之文以竹帛

傳既壽於金石矣而今之文以帛傳又便於竹帛便則傳之者益衆而此書之壽其可究哉特不知後之人能不以其說而廢否

圭峰集序

淨休居士

金石之墓有遺音椒蘭之臭有餘味君子之言幾不若是乎立乎百年之前人或知之則誦播遠聞貴踰金玉信乎百年之後人不知之則爲陳編蠹簡散積於塵土間又何足怪也閔中前輩有段延齡者始見於皇祐嘉祐間與嗣宗遊爲文法歐陽永叔氣格範模似是深切好事者有不能辨多見於僧俗官舍衣冠士人之間故已有不同時之嘆一日有邑人段遠者袖書登門乃延齡之孫其說大略述其祖之平生又出圭峰集謁余爲序將冠其編首始得返復而肆覲之則凡詩賦贊銘書記時移輟四十卷其言汪洋浩博從容留滌欬而誦之不可測其深波而放之不可窮其遠若春夏之敷華秋冬之閉藏時亦有頓挫排擯劉勰衡冠不平之氣大抵漁取唐人之菁華集而爲已

用兼長於時用如財用邊說皆中今時之利病其來亦出於小
官下士奔走州縣盡得事機之實權使早游富貴高談廊廟則
烏能至此哉非特嘯詠風月留連光景之言也然位不出幕府
壽止中年既憊官之不達又惜其才不試余嘗患文者空言而
拙行事漢之諸儒若董仲舒賈誼皆一時之冠仲舒專經術賈
誼諳世務誼所陳之策當時大臣指以爲踈闊歷千七百年今
實行其事享其利若食符契然中間非先銳銳之才說說之口與
駕虛說而惑世者良有間矣唐末有劉蛻者勵志爲文非齊戒
被除未嘗落筆多至十數方言數世人之莫我知藏之櫃中埋
之地下号曰文塚今段君之文幸不在土中又不傳於世人胡
不鑿終南之石鐫以北山之鐵以待後人之知者哉君有子曰
勺若孫遠皆能文有父祖之風故序其事以授之云大觀三年
七月初吉浮休居士序

新刊 國朝二百家名賢文粹卷第一百五十五

序

文集序三

張公文集後序三

芸閣先生

在祥符天禧間以辭學又官爲一時名卿者有集賢士給事中
張公博聞強識篤實忠亮歷書館備史官者二十年方是時天
子巡狩四方尊禮儒孝其登延訪問賡載歌詠未始不在從官
之先凡典籍謬訛儀章未講多識舊聞折衷惟允學士大夫有
考必稽焉公之沒遺藁藏于其家而未傳也元豐二年春公之
曾孫伯子革以遺文二十卷屬其所識呂大臨而告之曰昔者
吾諸父少罹閔凶僑寓于閩中不克歸惟是吾曾祖集賢之緒
言蓋未之聞也嘗累訪之東都諸族父之弗獲熙寧末叔父崇
文君被召還館始得其書于從祖父殿直君之家於是公沒五
十年矣意將散亡而不傳而從祖父獨能存其完書又不幸崇

丈不擇不克叙次華謹藏以須惟恐失墜從祖父重有命將傳
于時畀求文以叙惟子言之母辭大臨亟謝不能而不得已焉
竊思君子之事其先其祭也必齊其齋也必思雖其居而笑語
之常志意嗜樂之異未始斯頃或忘于心况如公之文章一出
於德意不爲夸淫浮靡之辭其指說之要厚人倫樂循理仁民
物賡賡好善有古君子長者一言豈特笑語嗜樂之以乎記稱
君子論譏先祖之美以有善不知爲不明知而弗傳爲不仁則
是書也固在於可傳又嘗聞之自仁率親等而上之至于祖名
曰輟惟仁人孝子達孝子之心則等而上之雖至于祖亦不忍
加親之重是以繼親之志述親之事其祖而不改親之故焉斯
道也先王未之有行而武王周公實行之故君子謂之達孝崇
文之於集賢行斯心者也嗣其業訪其書雖終身而弗措今伯
子也又不替諸父之志述而藏之則達孝之心爲有繼而斯文之
傳益不疑於君子矣公諱復字元易崇文諱載殷直名威皆公

豫章郡呂大臨序

王荅國文集序

豫章先生

元城王定國灑落有遠韻才器度越等夷自其少時所與游盡
丈人行或其大父時客也生長富貴其嗜好皆老書生事而不
寒乞諸公多下之其爲文章初不自貴珍如洛陽唾時出奇壯
語驚天下士坐大臣子不慎交游奪官流落嶺南更折節自刻
苦讀諸經頗立訓傳以示意得其作詩及它文章不守近世師
儒繩尺規摹遠大必有爲而後作欲以長雄一世雖未盡如意
要不隨人後至其合處便不減古人定國富於春秋峭崛嶺海
去國万里脫身生還邂逅江濱斗酒相勞苦但以罪人責輕未
有以報君爲言辭然數於文藻未嘗私自憐此其志未易爲俗
人道之王良秣驥子而問途氣已無万里矣衆觀者以爲定國
之所以垂世傳後者如是而已故爲序見之定國名鞏文正公
之孫盤公之子癸亥八月壬辰序

小山集序

同前

晏叔原臨淄公之莫子也磊隗推奇踈於顧忌文章翰墨自立規摹常欲軒輊人而不受世之輕重諸公雖愛之而又以小謹望之遂陸沈於下位平生潛心六藝玩思百家持論甚高未嘗以沽世余嘗怪而問焉曰我槃跚致宰猶獲罪於諸公憤而吐之是唾人面也乃獨嬉弄於樂府之餘而寓以詩人句法清壯頓挫能動深人心士大夫傳之以爲有臨淄之風爾卒能味其言也余嘗論叔原固人英也其癡亦自絕人愛叔原者愠而問其目曰仕宦連蹇而不能一旁貴人之門是一癡也論文自有躋不肯一作新進士語此又一癡也費資千方家人飢寒而面有孺子之色此又一癡也人百負之而不恨已信人終不疑其欺已此又一癡也乃共以爲然雖若此至其樂府可謂快邪之大雅豪士之鼓吹其合者高唐洛神之流其下者真滅光棄國扁哉余少時聞作樂府以使酒玩世道人法秀獨罪余以無補

勸淫於我法中當下犁舌之獄特未見叔原之作耶華彼言其得意室有倩盼慧女而主人好文必當市購千金家求善本白獨不得與叔原同時耶若乃妙年美士近知酒色之娛苦節臘儒晚悟裙裾之樂鼓之舞之使宴安耽毒而不悔是則叔原之罪也哉

鄒公侍郎奏議序

龜山先生

道鄉鄒公自少以道學行義知名於時其爲人也和順積中而英華發外望之睥然見於顏面不問知其爲仁人君子也其遇世接物猶虛舟然而堅挺之姿如精金良玉不可磨磷元符中用侍臣之薦擢居諫垣從人望也是時哲宗皇帝厲精求治用賢如不及一見即以公輔期之嘉言人告無不從者適中虛位之久大目欲自結於嬖倖之私爲保位之謀迎意媚合不以正公力言之以爲公議不允忤上旨數譏之徒惡其言已相與協力濟之於皆弃之中又下石焉皆是也公之章留中不下乃爲

爲之加以詆誣不實之語如取他人之子流布中外欲天下聞之真若有罪者其爲謀深矣雖有端人正士無敢爲公辨明者公既以迄今二十餘年首之茲朋凋喪略盡而正論行焉真僞是非始有在矣紹興三年其子柄集公之奏議一編屬余爲叙余於公非一朝燕游之好也知公爲尤詳其事之本末皆余所親聞見者故詳著之以昭示來世庶乎使小人知君子之爲善終不可誣也公之將亡余適還自京師聞公疾革未及弛擔即馳往見之見其茫然僅存余息然語不及私猶以國事爲問蓋其平生以天下之重爲已任至垂絕而不忘也每念及之愴然不能釋嗚呼世道相喪久矣不復有斯人也

四明尊堯集序

陳了翁

臣聞先王所謂道德者性命之理而已矣此安石之精義也有三經焉有字說焉有目錄焉皆性命之理也蔡下寒食辰鄧州武寺用心純一三行其教所謂大有爲者亦性命之理而已矣

其所以繼述者亦性命之理而已矣其所謂一道德者亦以性命之理而一之也其所謂同風俗者亦以性命之理而同之也不習性命之理謂之曲幸不隨性命之理謂之流俗黜流俗則窮其人怒曲學則火其書長自下等用事以來其所謂國是者皆出性命之理不可得而動搖也且昨在諫省所上章疏嘗以安石比于伊尹伊尹聖人也而目迺以安石比之者目於此時猶蔽於國是故也又目所上章疏謂安石爲神考之師也神考堯舜也任用安石止於九年而已矣初任後弃何嘗終以安石爲是乎而目迺以安石爲神考之師者目於此時猶蔽於國是故也且昨者以言取禍幾至誅殛賴陛下委曲保全賜目餘命臣感激涕涕念念循自得改過之義焉蓋日之所當改者亦性命之理而已矣孔子曰乾道變化各正性命又曰地道無成而代有終也性命之理其有易此乎目伏見治平年中安石唱道之言曰道隆而德駿者雖天子北面而問焉而與之決爲賓主

自安石唱此說以來幾五十年矣國是之淵源蓋兆於此嘗聞
天尊地卑乾坤定矣定則不可改也天子南面公侯北面其可
改乎今安石性命之理適有北面之禮焉夫天子北面以事其
巨則人巨南面以當其禮巨於性命之理安得而不疑也傳曰
君之所以不巨於其巨者二當其為祭主則弗巨當其為師則
弗巨也師無北面則是弗巨之禮也豈有天子而可使北面者
乎漢顯宗之於桓榮所以事之者可謂至矣而所施之禮不過
坐東鄉而已迺以君而朝巨以父而拜子則是齊東野人之語
庸勦無父之教以此為教豈不乱名分乎乱名分之教豈可學
乎巨既誤乎其教豈可以不悔乎易曰不遠復無祗悔元吉巨
於既付之誤豈敢祗悔而不改乎巨昔以安石為神考之師是
巨重安石而輕神考也昔巨以安石比伊尹之聖是巨戴安石
而誣陛下也巨為陛下耳目之官而妄進輕誑之言巨之罪惡
如丘山矣巨若不洗心自新痛絕王氏則何以明目改而已矣

莊周曰明此以南嚮堯之爲君也明此而北面舜之爲臣也莊
周之道虛誕無實不可以治天下然於名分之際不敢不嚴也
飛蜂走蟻猶識上下豈可以人臣自聖而至於缺名分哉孔子
曰名不正則言不順言不順則事不成安石北面之言可以謂
之順乎崇此不順之教則所述熙豐之事何日而成乎廢大法
而立私門啓穢奪而生後患可謂寒心孰大於此臣請序而言
之昔紹聖史官蔡卞專用王雱石日錄以修神考實錄薄神考
而厚安石尊私史而壓宗廟自居諫省請改裕陵實錄及在都
司進日錄辯當是之時臣於日錄未見全帙知其爲私史而已
未知其爲增史也自去闕以來尋訪此書偶得全編遂獲周覽
覽身雖遠不廢討論路過長沙曾留轉藏之語待盡合浦又著
垂絕之文考証誣譏玩之言見蔡卞僞增之意尚謂安石趣錄
皆可憑據下之所增適有認僞當是之時臣於日錄考之未熟
知其爲增史而已未知其爲悖史也蓋由臣智識昏鈍覺悟不

旦追思諫言委至合浦舊述語乖正理隨俗妄談既輕神
考又誣陛下若它時後日陛下以此怒臣將何以自救敢不
悔乎敢不悔乎日錄云卿朕師目也迺安石矯造之言又云督
責朕有爲豈神考親教之訓既託訓以自善又託訓以輕君輕
君則訕侮譏薄欲弃名分自譽則驕蹇陵犯前無祖宗其誣實
聊舉一二日錄云朕自覽材極凡庸恐不足與有爲恐苦之賢
君皆湏天資英邁此非託訓以輕君乎又云朕頑鄙初未有知
自卿在翰林始得道德之說心稍開悟此非託訓以輕君乎又
云卿初任講筵勸朕以講學爲先朕意未知以此急此非託訓
以輕君乎又云卿莫只是爲在位久度朕終不足與有爲故欲
去此非託訓以輕君乎又云所以爲君臣者形而已矣形故不足
累卿此非託訓以輕君乎訕侮譏薄欲弃名分可以略見於此
矣日錄又云王安石造理深能見得衆人所不能見此託訓以
自譽也又云如安石不是智識高遠積習不易抵當流俗天生

明俊之才可以庇覆生民此託訓以自譽也又云卿無利欲照
適莫非獨朕知卿人亦盡知若餘人則安可保此託訓以自譽
也又云卿才德過於人望朕知卿了天下事有餘此託訓以自
譽也又云朕用卿宜與祖宗時宰相一般此託訓以自譽也驕蹇
陵犯前無祖宗可以略見於此矣聖主以奉先為孝群臣以承
上為忠明知其誣誰敢敷實則可以箝塞眾口可以笑惑聖聰
誑脅之術莫工於此始則留身乞批以脅制於同列終則著書
矯訓以傳述於後人誣脅自鄰何足縷道上干君父可不辨乎
自劉關以來至為參政之始不錄經筵之欵奏但書七對之遊
辭載神考降問之咨詢無一問仰及於三代言神考但慕魏葛
謂厥身不異臯伊仍於供職之初辰首論理財之不可恐宣利
而壞俗陳孟子之恥言凡它人極論之辭掠為己說彼所獻管
商之術歸過先猷書神考之謙辭則曰以朕比文王豈不為天
下後世笑論太祖之征伐則曰江南李氏何當理曲恣揮恃躁

之筆盡假列考之詞矯誣上天孰甚於此祖宗之威靈如在
聖主之繼述日新若不辨託訓之誣何以解在天之怒而況託
訓之外肆詆尤多神考小心慎微彼則曰好察細務神考畏天
省事彼則曰畏慎過當神考欲除苛細之法彼則曰元首叢挫
神考欲寬疑似之獄彼則曰陛下舍糊神考駢貳賢彼則曰
舍容茲惡神考嘉納忠直彼則曰不懲小人又謂茲罔之徒陛
下能誅殺否以忠良於元濟責神考爲憲宗謂不可以罷其當
必勝而後已神考守祖宗不殺之戒以天地好生爲心厭弃其
言者待浸薄先逐鄧綰次出安石至熙寧之末而安石前日之
所怒者復見收矣至於元豐之末司馬光等前日之所言者復
見思矣士等不遵神考末命但務圖己之私以專紹安石爲心
以必行誅殺爲事請于哲宗而哲宗不許請于陛下而陛下拒
之人心歸仁天助有德遂使茲謀內潰逆黨自斃下既不敢奉
陰陵人亦不復聖安石悔從王氏豈獨君哉朝廷損神協心享

上庠序義理士所同然科舉藝能孰肯遽陳其所蘊有用之士
亦將先忍而後爲變王氏誣君之習合春秋尊元之義濟濟多
士何患無人又况安石所施其事旣往若不自述於文字後人
安知其用心著爲此書天使之也然安石著書之意豈是便欲
施行下所安排非無次序自謂舉無遺策何乃急於流傳宣示
遠近不太速乎然則流傳之速天促之也天之右序我宋而不
助王氏亦可知也如臣昔者妄推安石謂之聖人如視蟻垤以
爲泰山如指蹄涔以爲大海易言無責鬼得而誅駟不可追黜
舌何補聖人人倫之至也傲上乱倫豈聖人乎聖人百世之師
也教人誣僞豈聖人乎孔子集大成者也尚以不居爲謙光武
有天下者也猶下禁言之詔豈可身處北面人臣之位而甘受
子雲驕僭之名乎安石畫像贊曰列聖垂教參差不應集
厥大成光乎仰尼蔡卞書之大刻于石與安石所撰諸書經義並
行于世臣昔以答義應舉析字談經方務趨時何敢立異改過

自新請自今始於是取安石日錄編類其語得六十五段釐爲八門一曰聖訓二曰論道三曰獻替四曰理財五曰邊機六曰論兵七曰處已八曰寓言事爲之論又於逐門揔而論之凡爲論四十有九篇合二門爲一卷并序一卷共爲五卷臣以憂患之餘精力困耗披文索義上不得一加以海隅衰陋人無賜書神宗御集無由恭閱又日錄矯誣與御批日曆時政記抵牾同異無文可考欲校不得但專據私書略分真僞雖不能究竟底蘊亦可以闕其大槩矣凡臣之所論以紹述宗廟爲本以推明聖訓爲先蓋所述在彼則宗廟不尊誣語未判則真訓不白何以光揚神考有爲之心何以將順陛下述事之志凡今之士學古入官身雖未試於朝廷心亦不志於畎畝戴天履地寧忍同誣日拙心勞徒唱爾僞犯古今之公議極典籍之所非陰奉獻言願還格訓安石欲置四輔神考以爲不可神考欲建都省安石以爲不然今則四輔成矣都省毀矣道路爲之流涕聖王能

不痛心人皆獨罪於一京安知謀發於蔡卒至於宿衛之法亦敢更張變亂舊規創立三衛用私史包藏之計據新經穿鑿之文以畏憚不改爲非以果斷變易爲是按書定計以使其兄當面贊成退而竊喜京且由之而不悟他人豈測其用心事過而關蹤跡乃露齊咎痛恨雖悔何追在私家何足脩論於國事豈真如此謂塘濶未必有補可以決水爲田謂河北要省民徭可以減州爲縣至於言江南利害則曰州縣可析論民兵將領則曰獎拔豪傑四海本是一家何爲分彼分此大法無過宿衛安得率尔動搖弃舊圖新厥意安在昔元祐更張之始方安石身沒之初衆皆獨罪於惠卿或以安石爲朴野優加贈典欲鎮浮薄司馬公簡尺具存呂惠卿責詞猶在深懲在列曲恕元台凡同時議論之臣無一人指點安石往往言章疑似或干裕陵致下以關伺爲心包藏而待潤色誣史增汚忠賢凡愠懟曾布之言与惡罵惠卿之語例皆刊削意在牢籠欲使共述私書將以濟

其大欲布等在其術內下計無一不行良由議贈之初不稽其
弊若史早崇名分何至橫流司馬光誤國之罪可勝言哉臣聞
熙寧之初論安石之罪而中其肺肝之隱者呂誨一人而已矣
熙寧之末論安石之罪而中其肺肝之隱者呂惠卿一人而已矣
呂誨之言曰大姦似忠大詐似信外視朴野中藏巧詐驕蹇傲
上陰賊害物呂惠卿之言曰安石盡棄素學而隆尚縱橫之末
數以爲奇術以至譖愬習持蔽賢壟壘移愬行狠方命矯令罔
上垂君凡此數惡莫不備具雖古之失志倒行而逆施者殆不
如此乎日聞望一旦掃地不知安石何苦而爲此也謀身如此
以之謀國必無遠圖而陛下既以不可少而安之臣固未易言
也又曰陛下平日以何如人遇安石安石平日以何等人自任
不意窘急乃至於此又曰君臣妨嫌豈可爲安石而廢哉又曰
臣之所論皆中其肺肝之隱臣其竊謂元祐官僚於呂誨之言
則襲之太過於惠卿之言則毀之太過此二臣者趣向雖異至

於論安石之罪獻思於神考則其言一也豈可專譽呂誨而偏毀呂惠卿乎偏毀惠卿此王氏所以益熾也元祐之偏可不鑒哉臣竊以天下譬如一舟舟平則安舟偏則危臣之以言取禍初緣此語然臣自視此語猶野人之視芹也切於愛君又欲負獻前日之欲殺臣者必益噴矣然臣之肝膽本是報國之物臣若愛吝此物則陛下不得聞安石之罪矣陛下不得聞安石之罪則人臣之利莢成在久為我宋之臣豈可以不思乎迺者天子幸學拜謁宣尼本朝故臣坐而不立躋此逆像下唱之也輔臣縱逆而養交札官拜禮而行誦僭自內始達于四方方國寒心外夷非笑驚異夷侯載籍所无履加於冠何以示訓自有中國以來五品不遜未有此然則觀此一像而八十卷之大槩可以未讀而知矣蔡氏鄧氏薛氏皆塑安石之像祠于家廟朝拜安石而頌之曰聖矣聖矣暮拜安石而頌之曰聖矣聖矣國學風化之首也豈三家之家廟乎臣故曰廢大法而立私門啓

援奪而生後患可爲寒心莫大於此尊主愛國之士孰敢以
此爲是乎是非之心人皆有之極天下之所非而可以謂之國
是哉嗚呼講先王之道而以弗百姓爲先論周公之功而以僭
天子爲禮弗民歲久蠹國日深僭語爲胎遂產逆像以非爲是
態度日移廢道任情今甚於昔昔初立國是使傳行之情既竄
遂移是於布布又竄遂移是於京京是皆暴於下謀三罪同歸乎
誤國然則果國是乎果下是乎若以下是爲是則操心頗鉅弑
性姦回如鄧綰者不當逐也若以下是爲是則以塗炭必敗之
語詆誣神考如常立者不當竄也神考遂綰可以見悔用安石
之心哲宗竄立可以見斥絕安石之意兩朝威赫天下皆以爲
至明陛下光揚亦以去下爲先務掃除舊穢允協人心布澤日
新上合天意樂於將順猶紳所同夢關馳誠各恨疎遠彼元祐
元符之藉蚩漸縱弛而人未見用應詔上書之罪雖已釋然而
士猶沮辱沮辱者不可復問未用者自當退藏其餘雖在朝廷

或悲言路明哲之士又務保身縱有強姦之流且无私史之隙
唯臣因論私史禍隙至深得存餘命全由獨斷臣之所以報聖
恩者敢不勉乎兼臣年老病多史知難久與其齎志於歿
後寧若取義於生前義在殺身志惟尊主故以臣所著目錄論
名之曰四尊堯集去

王平甫文集後序

後山居士

歐陽永叔謂梅聖俞曰世謂詩能窮人非詩之窮窮則工也聖
俞以詩名家仕不前人年不後人可謂窮矣其同時有王平甫
臨川人也年過四十始名薦書群下士歷年未幾復解章後歸
田里其窮甚矣而文義蔚然又能於詩惟其窮愈甚故其得愈
多信所謂人窮而後工也雖然天之命物用而不全實者不華
淵者不陵物之不全物之理也盡天下之美則於貴富不得兼
而有也詩之窮人又可信矣方平甫之時其志抑而不伸其才
積而不發其号位勢力不足動人而人聞其聲家有其書旁行

於一時而下達於千世雖其怨敵不敢議也則詩能達人矣未
見其窮也夫士之行世窮達不足論論其所傳而已平甫孝悌
于家信于友勇於義而好仁不特文之可傳也何使平甫用力
于世薦讀詩於郊廟施典策於朝廷而事負其言後戾其前則
并其可傳而棄之平生之志可謂勤矣天下之譽可謂盛矣一
朝而失之豈不哀哉南豐先生既叙其文以語學者先生之沒
彭城陳師道因而伸之以通于世誠愚不敏其能使人後其所
利而隆其所棄者耶因先生之言以致其志又以自勵云爾

歐陽公別集後序

茹溪先生

蜀人梅堯公儀爲滑州得殘藁數紙文義粲然而不知其所自
以類訪之得於人者又數十紙問諸所自亦莫知持歸以質於
公公曰此我通判滑州時因客書偶至於盈紙不意流落猶在
也文章猶日月之在天莫不冒其照臨在地則猶水火也万物
必資以給其可一日而無邪故其隨得隨散天地不能藏匿而

在在處處必爲神物護持公嘗語人曰筆研我輩假以寓其趣
凡有所寓當隨其所命意細繹展轉而見於筆下不獨學書因
而可以增益其所未到處久之斯可樂也蓋公之自樂者如此
故每見於翰墨者抑揚頓挫可以爲學者師法信所謂矢口而
成言肆筆而成書也汝陰王樂道與其子世之皆博極羣書自
未嘗釋卷得公家集所不載者集爲二十卷余幸得而觀之遂
以尊聞人所誦公之言以記于後亦足以告夫學者而爲之勸
也政和四年三月十二日趙郡李之儀書

二江先生文集序

錦屏先生

二江先生者宋公承之也宋氏替笏蟬聯爲蜀著姓成都屬邑
曰雙流者先生所居也左思賦曰帶二江之雙流故士人以二
江先生呼之先生天才絕人結髮稱奇童比遊場屋則雋譽日
出逼人一時輩流望其鋒却避不敢前聞先生充舉首則曰允
當無異詞既筮仕隨牒州縣上官歆艶其名爭諉以事有磐錯

肯綮處須先生爲之爲使稍官達則朝廷倚辦常兼數職囊
印座右累然人憫其賢勞而先生撻遣暇豫未嘗釋簡編筆
研吟諷度日常曰世間樂孰與此樂吾將終身焉當元祐六年
先生爲南省郎消以晚輩始預賓客之末逮消從事秦亭而先
生待節來秦於是益獲從長者遊以信宿不見爲間闊樽酒雍
容每聞先生片語隻句如窺豹一斑嘗鼎一臠固願執觀猷賜
而不可但知舉警策以驚詫未聞者今先生沒二十有七年矣
始見先生文集玩味尋思欲罷不能蓋嘗廢卷而論之孟子曰
源泉混混不捨晝夜盈科而後進放乎四海有本者如是孟子
之言固自有謂然爲文者何獨不然先生博學而精擇者也其
學之博猶採薪者之見一芥掇之見青葱拔之故於書無所不
讀諸子雜說或出入於聖域者猶莫有得於方一其擇之精猶
齊王之食雞唯食其蹠頭數十雞而後足其所蘊蓄涵融汪汪
乎必始不鼓不巴故下筆輒不休筆端駁沓落紙者皆可詠

詠成文非鉤章棘句輒輒若拙而後爲文也有本者如是豈虛
語哉若夫稽往古之是非究當時之利病上以縫補於庭議下
以斟酌於風謠此先生之文見於忠義憤慨可以經濟天下也
探討六藝析諸聖人教揮微言訂正異端此先生之文見於祖
述憲章可以維持吾道者也輸寫肖抱形摹物象較重輕於纖
銖較宮室於清濁此先生應時之文以靡麗爲工者也訓詁深
嚴字畫奇偉於商周之盤詁追堯舜之碑碣此先生尚古之文
以簡潔爲法者也至於讎笑之間稗象小說旁搜附拾附益談
叢此又文之餘事也淵淵其深渾渾其醇舒徐衍溢而不流激
昂蹈厲而不怒遠之則有稽近之則不誣嗚呼其文之雄乎自
昔論文者晉有陸士衡士衡之說曰石韞玉而山暉水懷珠而
川媚後之論文者無以加此觀先生之文則君子之所養可知
矣曹裴廷翰有言文章與政通風俗以文移每味此語則益知
文之有用於世自非小補而先生之文祇藏于家第爲子孫寶

秘閣書而不克大流布于時此平日士論之所惜者今既成表
可以傳諸無窮故輒叙其梗槩庶知音者得以覽其詳焉凡歌
行詩賦時議經義論策表啓書序絕誌及雜述摠若干首弟為
六十卷皆先生之子宏父手自編次宏父博達豪邁克嗣家風
詩曰惟其有之是以似之後之人欲知先生父子之懿當以是
觀之先生之捐館舍也消管為其行狀以告諸誌墓者故先生
之世系官爵與其平生出處皆載於墓誌副以碑表謚議絜然
可攷附于文集之後此不復書

畢西臺學士文集序

澗上文公

恬之外祖父阮公識歐陽文忠公少時嘗請於公曰願相從學
為文章公將何以教之文忠公曰但當讀書讀書既博自能為
文矣恬得聞此言時尚幼未知其解也于後得唐李文公集觀
之文公之言曰義深則意遠意遠則理辯理辯則氣厚氣厚則
詞盛詞盛則文工矣恬常誦二公之言願居林野未見其人也

獨以親故時得見于西臺李士舉公觀公自少積學不厭有者
于時既登第猶曰課誦書人曰何以誦爲公曰書非成誦不能
持以不忘也內相錢穆公山東遂爲山東文士之表歸辭許
洛范丞相諸公賤奏多成於公于世以爲法其後天子延天下
文章之士十三人試之王堂公以高文大策爲翰林李士舉公
所奇擢爲第一於是天下服蘇公之英監以爲固宜蘇公則墮
公自代謂公學貫經史才通世務文章精麗議論有餘朝廷用
公自此始矣公官太常論列太皇太后受冊當避正殿革去故
事皇太后儀制當遵禮禮經斷諸邪說二章文義粲然朝廷皆嘉
納之遂代宰相草宣仁聖烈皇后哀冊文其詞典麗編之史冊
無愧退居汝洛天下之欲論議其先世德業者繼踵公門自遂
方至公多謝不予問有得所請而歸者公文既出讀者皆贊然
解頰頷首率以謂公之品目皆核實當法析毫破鏑乃相与刻
金石信万世嗚呼公始立學已而六經群史百家衆技朝廷故

事群巨委贖文士撰述隱淪所作無不貫穿而通透也其間語
法之妙制作之妙皆得其要蓋自盛壯以來文符益富流行四
方至于大耋益老而深垂憲不稍親親如山岳浩浩如江漢衆
皆仰其高瞻其深莫知其積于拳石引于澗觴也况能究其立
言用意之法此物引事之歸乎此豈可爲少年淺學者道也由
公觀之所謂文者非有源流根柢不能爲也則知向者二公之
言其旨深遠矣建炎元年恬自梁如楊二年遇公之季子文拯
于襄州穀城知世業之不墜遂自楊走宜興及其興三年至建
康又奔走至于明州海隅山中四年夏自海隅水陸數千里走
湖南桂陽監而文拯以西道摠攝攝事于郴州五年正月走其
姪少儀抵桂陽求爲公集序且曰先兄纂承成先父文集頗爲兵
火焚蕩文拯乃悉力求訪又繕成集凡若干卷若干篇以類相
從矣恬得疾太湖上翌二年未愈枕上辱書義不得辭乃勉亭
述事以告後學

新刊 國朝二百家名賢文粹卷第一百五十六

序

文集序四

張穆之觸鱗集序

濟南先生集序

魯俗當周之盛及孔子時文學爲他國矜式周衰諸侯並興而魯爲弱國文學亦微然其故俗由秦漢迄今尚多經儒忠信之士分裂大壞如五季文物蕩盡而魯儒猶往往抱經伏農野守死善道蓋五十年而不改也太祖皇帝起平禍亂盡屈良千信越之策休牛馬而不用慨然思得諸生儒士與議太平而魯之學者始稍稍自奮龍叔大裾長紳雜出於戎馬介士之間父老見而指以喜曰此曹出天下太平矣方時厭亂人思復常故士貴蓋不待其名實加於上下見其物色士類而意已悅安之此儒之效也金鄉故隸兗兗魯地吾里而故張公蓋金鄉人公以

太平興國三年起家進士甲科大理評事通判普州蓋太祖皇帝初拔魯群士之一人也始補之爲兒從先君學先君多爲補之言故軍中前輩賢士長者初聞公名徒竦然佩先君訓慕先進而已矣官學不試白首來歸迺始與公之曾孫大方游大方爲人質直自將好善不欺類可與論里仁之美者補之困復識先君之言又知公之忠信流澤有後也然去公百年所傳聞未足以知公蓋一日大方出公遺藁白觸鱗集蓋公爲太宗御史時所上疏議而觸鱗公所自名也三復弼月慙平直諒多聞之益如藥石如穀米非無困而設者其多至數十章皆深切當世之務不可以盡舉始恨公不究其用去至其他詩文章清麗有唐中葉以來才士之風非若五季及國初文物始復武夫麇鄙田里朴陋者之作也其相與切磋學問見於酬唱者翰林王黃州元之爲多黃州名世士亦吾里人事熙陵爲學士熙陵稱其獨忘天下者嘗以直諫斥久不召召且大用復諫不悔卒復斥

竟不大用死黃州黃州於一時流輩少許可獨畏公尚以爲不可及也則公之爲人可知已補之既以觸鱗集歸大方大方再拜求爲集序補之以言爲戒久雖諾其請未作也而大方踰年踵明請不衰至載石於外因甥張宗顓以言幸有間必書補之平生戲笑爲文字自不吝固吝於吾里中賢士長者以孤大方好善追遠踰年之誠心豈先君所以教哉故不辭而終序之公諱肅字穆之自御史爲同書郎知蔡州耻言不用未四十解絃而去其世家行事本末與諸子茂良具於前進士許齊所爲公墓表齊亦文學知名不妄推與凡齊所錄不復論論其立身許國之大節以遺文方俾刻石藏諸家以爲吾里後生不及見若人傳聞而慕者之勸云

海陵集序

同前

文學古人之餘事不足以發身春秋時齊魯秦晉宋鄭吳楚列國之大夫顯名諸侯相與聘問交接陳詩揚禮見於言辭人稱

之至今想見其爲人若不可及者皆有它事業尊君庇民舉大
而任重排難而解紛用之如穀米藥石一日不可無而言辭者
特以緣飭而行之耳戰國異其甚士一切趨利邀合朝秦而暮楚
不耻無春秋時諸大夫事業矣而言辭始專爲賢雄夸虛張聽
者爲尊雖義理皆亡而文章可喜以其去三代春秋時猶近也
其用以發身亦不足言至於詩又文學之餘事始漢蘇李流離
異域困窮仕別之辭魏晉益競至唐家好而人能之然爲之而
工不足以取世資而經生法吏咸以章句刀筆致公相兵家闢
士亦以方略膺力專齊鐵詩如李白杜甫於唐用人安危成敗
之際可存也可亡也故世稱詩人少達而多窮由漢而下枚數
之皆孫樵所論相望於窮者也以其不足以發身而又多窮如
此然士有無意於取世資或者間千一好焉惟恐其學之而力
不逮管度彫琢至忘食寢會其得意條然自喜不啻若鍾鼎錦
繡之獲顧他嗜好皆無足以易此者雖數用以取誼而得禍猶

不悔曰吾固有得於此也以其無益而趣爲之又自患難而好之滋不悔不友賢乎海陵焦蓋許君大方作市窮而不悔者之一也君於詩好之篤蓋辛苦刻篆呻吟裘氏者有年不幸其然之音與吾窮類然君少年自己得聲譽臺它事業行已流官皆方進未可量何苦而爲是閑閑絃歌霖雨飢餓之聲樂之而不厭如此哉且以爲後世名乎則勦頭當身捷得推位之利抑謂利者若不近乎則後世之名於楚亦復安着哉是未有以此語君者也其惑也補之既序此意以賢名能獨爲人之所不爲者而非有希於世視趨利邀合猶勝然亦因以爲戒君子賸之與補之故人張芸叟張文潛陳伯修皆厚云

高常侍文集序

王臺先生

唐高常侍有詩名嘗爲彭州刺史今太守趙公哀其詩文二百四十篇釐爲十卷刻之板謹按唐史高適字達夫滄州渤海人仕至左散騎常侍與李白杜甫同時天下人者嘗客遊梁酒酣登

吹臺慷慨懷古人莫測也李杜文章光焰冠絕一時而適與甫
唱酬見甫詩集中其詩不論可知竊意三人者皆英偉曠達有
經濟才略不獨以文章自名也遭世方亂自一月明皇帝不為
親近所容乃浮遊四方甫為諫官言事忤旨流落以死獨適稍
顯蓋亦落落難合故功名不見於世史論白不過曰喜縱橫擊
劍為俠而已甫則曰好論天下事高而不切至適曰請王霸
裘不厭而言浮其術蓋未深知此三人者也初適天寶中河西
節度使哥舒翰表為掌書記甫送之詩云請公問主將何以窮
荒為此姚宋聞人也白知郭子儀之為人傑適策永主必敗其
前識遠慮如此使之得志功名豈少哉趙公名子湜字彥清書
屬文詩尤清麗有江左唐人之風而仕亦不遇其為彭州與適
相望三百餘年乃廣其詩文而傳之將追適而與之友則亦適
徒也予故備載之文靖康元年四月十七日眉山王貴序

道不在名亦不在利非惡於名與利也爲其一累於名利則且將役於物而喪其所守以至於犯非義是以君子之與人必觀其能窮而人之所以志於孝者必在乎能處窮非窮能得道也蓋將窮而學學而不至於犯非義此道之所以得也夫有所不爲然後能固窮能固窮然後能外名利而志於孝是以七十子之徒仲尼獨稱顏回而回也屢空一簞食一瓢飲在陋巷人不堪其憂原憲孑然處窮閭之下子貢結駟連騎排簾藿過之一言之失則終身愧耻若子貢亦可謂諱矣然世之語學者不與子貢而與回原憲是惡乎名與利也後之窮而能學學而以文名者莫如董仲舒司馬遷劉向韓愈考其言以觀所行無一不合於義者非獨文辭之工也然仲舒困於忌馬遷困於刑劉向困於讒韓愈困於逐四人者皆不以貧賤易其志困窮而改其操者也故讀其文得其爲人唐之士以文取高位而真顯於時如蘇味道沈佺期宋之問柳子厚之徒不可勝數然不役於道而

役於富貴故務得而不務李能進而不能退其文雖存於世而李者以其入故莫之貴尚是豈有惡於彼哉夫人之爲文所以名言而言所以行其志志在於李則其文理志在於利則其文浮此其得失較然可見而不可誣者也世之浮淺之士急於功名富貴之途而重有飢寒凍餒之患辱身蒙垢以求媚於世何哉余少而李長而仕非能忘名利者也亦非窮而惡乎不窮者也蓋將窮而仕仕而學以期於不犯義故集其所嘗爲文而名之曰固窮且以見其志尔政和改元七月十日丹山彭俊民序

蘇魏公文集序

龍溪先生

所貴於文者以能明當世之務達群倫之情使千載之下讀之者如出乎其時如見乎其人也若夫善立言者不然文雖同出于人而其所以爲文有非人之所得而同者孟子七篇之書最戰國諸侯之事而失梁齊君臣之語其辭極於辯博若無以異戰國之文也揚子之書數方言秦漢之際爲最詳簡而雅閑

而深若無以異乎秦漢之文也至其推性命之理發天人之微
粹然一歸於正使學者師用比之六經當時所謂義秦犀首谷
永杜欽輩豈惟無以望其門牆殆冠屨之不侔也宋興百餘年
文章之變屢矣楊文公倡之於前歐陽文忠公繼之於後至元
曹元祐間斯文幾於古而無遺恨矣蓋吾宋極盛之時也於是
大丞相魏國蘇公出焉公以博學洽聞名重天下者五十餘年
卒用儒宗位宰相一時高文大冊悉出其手故自熙寧以來國
家大號令朝廷大議論莫不於公文見之然公事四帝以名節
終始其見於文者以空言哉論政之得失則開陳反復而極其
忠論民之利病則援據該詳而本於恕有所不言則已既言於
上矣舉天下榮辱是非莫能移其所守可謂大臣以道事君者
也若其講明經術之要練達朝廷之儀下至百家九流律曆方
技之書無不探其源綜其妙者在公特餘事耳此所以一話言
一章句皆足以垂世立教革澆淳而已偷薄焉軻雄之書百世

相望而非當時翰墨名家者所能騁歸也公元豐中受詔爲垂
東魯衛鐵書成序之以獻神宗讀之曰說卦文也今於其書信
然則公之它文可知矣公沒四十年公之子雋始克輯公遺文得
若干表章疏銘雜說若干使其與觀焉其少誦公文以本獲
拜公爲恨者也今乃盡得其書讀之可謂幸矣故謹識其端而
歸其書蘇氏

張文潛集序

同前

右文潛詩一百六十有四序記論誌文贊等又一百八十有四
第爲三十卷余嘗惠世傳文潛詩文人人殊屏居毗陵因得從
士大夫借其所藏聚而校之去其重複復定爲此書皆可以繕寫
文潛名未顯郡人仕至起居舍人嘗爲宣潤汝潁兗五州太守
又嘗謫居黃州復州最後居陳以及其集以鴻軒柯山爲名者
復黃時所作也元祐中兩蘇公以文倡天下從之游者公爲黃
魯直秦少游晁無咎等四君子而文潛少游之客也公於詩文

兼長雖當時鮮比兩蘇公諸學士既相繼以沒公歸然獨存故詩文傳於世者尤多若其辨制敷腴音節踈亮則後之學公者皆莫能彷彿公詩晚更刻白樂天舛而世之淺易者往往以此亂真皆弃而不取其采獲之遺者自為別錄云

曾公卷文集序

蘭陵孫公

南豐曾氏太平興國中諫議大夫密國公諱至堯者以文章有
大名著仙臯書西陲要紀中台志等書百八十餘卷藏於家歐
陽文忠公銘其碑有子曰太常博士魯國公諱易占能傳父
著時議數十方言皆當世要務將獻之朝行次南京遇疾卒不
果上荆國王文公志其墓生六子多知名而三人尤稱於天下
曰中書舍人輩以文儒道德為學者宗号南豐先生曰右丞相
布以正言直道歷事三朝有勲有勞在受遺之籍諡文肅曰翰
林孝士望高文頤存出處大節為先生齊名諡文昭皆有文集
行於世今竊見文公丞相第四子也諱紆字公卷年甫八歲南豐

先生授以韓吏部詩一覽而誦先生喜曰曾氏代不乏人矣既
冠季成文昭讀其文驚曰文才出於天分省季問之半於是吏
部尚書彭公汝礪翰林季士鄧公溫伯季試制策未幾科戩不
果召公時少年以大臣子積習名教無一點貴游驕吝之氣屬
文辭落筆千言指事析理命物託諭證據古今出入經史俊壯
豪健如走阪丸如建瓴水疎暢條達無間斷無艱難辛苦一時
老師宿名人巨公交口譽歎謂公它日必以大平筆繼文昭
之後徽宗踐祚改元建中靖國文肅蔡君丞相悉召陳瑾鄒
浩龔夬等為臺諫官而蔡京嘗朋附邢恕誣詆宣仁太后為大
姦慝不去必亂天下首斥去之居無幾京入相興大獄脩故怨
公父子皆抵罪徙置湖海終京之世二十五年而曾氏子孫無
一人仕於朝者京死朝廷稍進公守方州刺一路且但為世用
矣而京黨季光誣奏公為真州通判時聘籍中一妓為妾知林
州時交中貴人冒錫帶之寵又免所居去久之公移書宰相南

去公兼金何曾入夢淮南別乘恐是前身以片光之妾廟堂
俸笑至今爲口實公文章固自守家法而李詩以母夫人曾國
魏氏爲師句法清麗絕去刀尺有古詩之風黃庭堅魯直遷宜
州道出零陵得公江槎書事二小詩愛之書團扇上諸詩人莫
能辨也嗚呼公之文足以書典冊公之詩足以配雅頌而卒不
遇以死彼數從官大臣之列而功德不足以堪之姑爲說以自
慰者公雖不遇於世亦何恨哉公中子竹奉議郎興化軍通判
集公詩文爲十卷貽書先友孫覲爲之序宣和初公倅京口攝
府事郡有西樓公撤而新之爲文記其成雅詞隸句殆如樓稱
余与坐客韓駒子蒼張文獻文舍人三讀稱歎其辨言章一啓
乃与范丞相者今皆不見於集中則知公詩文遺落者尚多也
公州里世以歷官行事已有龍圖閣直學士汪藻章識其葬
故不著

教以文爲先而行次之文以氣爲主而孝將之清安張洗馬詩從事於斯矣觀其著忠孝論及哺詩可知其操行斗運四時皆還爲宮三賦可知其強李擬古諸篇慕謫仙之風度大旱等行窺少陵之藩籬可謂文行兼修氣志相副者也若天假之年文必高乎當世行斯繼於古人然而少年登利壯歲無祿雖真後逸之才莫錫中下之壽素志弗伸後嗣不立是可哀也及後五十年姪遇郡者出其集以示子故爲序其梗槩使北方之孝者將有感於斯言

錢氏箕裘集序

茗溪先生

右錢氏箕裘集武肅王之六世孫名悅字穆臣者之所作也武肅王以兵拒東賊計劉漢宏誅董昌盡有吳越之地尊奉土國四傳至忠懿王武肅躬臨忠孝又以訓子孫而忠懿奉承唯謹方太祖皇帝之下江南也忠懿提兵取常潤已而來朝京師太祖慰遣甚厚太宗登極幸以國入覲而吳越之民幾二百年不

識其陰德之在人膺肺腑聞至于今未忘也士大夫喜道其事而傳聞異辭或不審諦故稷臣類其祖宗建立傳序次第與家世榮遇人才瑰傑有聞於時者若干人以爲此集將附之譜屬余序其後余嘗觀自昔開地之盛席勳舊姻戚世公世卿寵遇赫奕不爲不多顧獨以恩澤聞而人才輩出表儀縉紳如錢氏者未見其比豈其世德所鍾與他異欤異時位孤棘秉旌鉞者余蓋識其一二即之退然如窶人子論道古今考質疑義以自樂於名教其意豈肯與恩澤侔哉以其有挾冊覓舉與寒士較得失率攻苦食淡卒縻事業使余愛歎之不已也況前輩碩儒所謂一門三學士三世四賢良與其政績行義超詣卓越余之所羨慕願見而不及者哉以是知人物門地事不兩全錢氏既兼得之又何多耶如其不然雖金張之盛七葉珥貂亦無取云稷臣在宗族中爲寡不遇者客居異縣鬱然坐空廬讀古書行古道面有藜藿之色蓋余寂寞之友也紹興十七年十一月

辛卯吳興劉某序

盡言集序

橫浦先生

司馬溫公与王介甫清儉廉耻孝友文章爲天下宰士大夫所宗仰然二公所趣則大有不同其一以正進其一以術進介甫所學者申韓而文之以六經溫公所學者周孔亦文之以六經故介甫之門多小人而溫公之門多君子溫公一傳而得劉器之再傳而得陳瑩中一傳而得呂太尉再傳而得蔡新州三傳而得章丞相四傳而得蔡太師五傳而得王太傅介甫孝行使二聖一付夷狄乱華嗚呼悲哉路之在諫垣專攻王氏黨其法待國道亦太切矣余雖不及識其人讀其遺藁亦徒深慨嘆而已

九峯先生文集序

李士部

議者以古今文章至唐韓退之而集大成是大不然彼蓋不知其後復有所謂東坡居士者也居士之文如方斛泉源不擇地

而出蓋匪潛匪滌突陽衝注放而爲長江大河激而爲驚湍怒
濤魚龍變怪之所窟宅明珠大貝瑰琦錯落之所蓄藏涵天光
浮地軸眇渺渺渺殆不知其幾千萬里此其凡也究觀規模粗
窺梗概高明鉅衍醇深麗密壯厚險遠奇譎幽怪筆端雜糅千
景方狀若戲若劇動中律呂索之不窮閤然益章文乎文至是
無餘蘊矣然則集古今文章之大成唯居士可以當之九峯先
生居士之從孫也孝問盡域論議根萌一出於居士步步趨趨
無毫髮少戾而或者以模擬爲言良巨獨以爲此固蘇氏之家
法也他人不能得而先生得之柰何反以爲訾哉良巨寔門下
士平日叢被教育爲最厚侍先生几杖最親最久矣論先生之
文是非去取雖以居士爲宗而其幹旋運用超放自在冲淡簡
古澗沈粹絮如大羹元酒有典則薄滋味如清廟之瑟朱絃跢
越一唱而三嘆蓋創立機杼一新際枯掃去無墨陳迹而自成
一家者也使居士復生亦當變色稱之不容少貶其誰敢輕議

之惟蘇氏以文名天下後人踵武何啻六七作皆斬新見頭角
聲光偉然至論衣鉢之傳名寔無負垂百世而不朽恐無以易
先生者且其集嘗經上乙夜之觀自先生即世垂三十年士大
夫求瞻翰墨之餘光引首流涎甚於飢渴之待哺非一日也頃
過少城邂逅其子臨安府府李講書濂始見屬序而傳之曰往
年陽安蓋嘗以丹精禱于下執事矣犁然有富於吾之心手足
鼓舞捉筆疾書故不復以蕪陋辭先生舊卒彭彭有九峰頗奇
秀先生悅之因以之自目去紹興二十年八月日門生左朝請
大夫主管台州崇道觀李良臣再拜謹序

景遠先生文集序

箕山先生

三代之文歷戰國而不亡及漢興俱亡焉涉魏晉宋齊梁陳隋
其文不興至唐昌黎韓文公始興焉而唐之文又與文公俱亡
矣國朝則吾文元公出焉楊之公嘗稱其可宗新祠碑自唐中
葉之後未覩斯作也司馬文正公則稱為人物之師其子文莊

公一夕嘗將相五制當世大其言文元公文莊公之子右孫悉以文世其家從伯父微猷閣待制侍讀公諱說之其曾孫也其積厚矣於是吾家三代之文有待乎侍讀公而大成哉昔宋弗父何之後有正考父正考父之後有孔父嘉孟僖子謂其世有明德其後將有達者其在孔丘大哉夫子之道噫亦遠矣蓋洪河之源不自乎其高二千五百里崑崙之山則不能如是蕩潏洶涌夾碣石會離沮略嶠吳渚大野浮于濟漯淮泗而浩乎其大也世之學者其有覃思於五經則皆斷自孔穎達始前乎孔穎達者其猶夏商周之彝器不知者不論其有知者亦以為何適於今之用而莫致意焉惟侍讀公則歎曰復三代之文而不求諸古宜三代之文卒不可復也求諸古得聖人之經有四康節先生生去尔故於易則祖淮南九師京房鄭康成荀爽而上以極乎希夷陳先生之精微而識卜子夏傳蓋出於張弧於書則原諸伏生孔安國劉向而傳乎一行近有取乎泰山姜先生

於詩則稽諸鄭志而難必齊魯韓三家之訓而考正乎賈誼劉向揚雄之所著下及乎陸機顧野王之所辨而恨古爾雅之不見於春秋則本諸經而該乎左氏穀梁氏公羊氏以及董仲舒何休杜預范甯啖助之徒而能各知其失近有取乎翰林侍讀劉孝士泰山先生於論語則遠求乎季充衛瑾孫綽顏延之謝靈運諸孝者而有得乎何晏邢昺之所遺其孝父且傳矣蓋謂尋古之絕孝墜緒由是所得汪洋宏放皆三代之道而言則三代之文也然則三代之文豈持於吾家爲大成邪周公惟於武丁時稱甘盤彼家寧說寧有不孝哉孰謂甘盤之獨賢歟抑其及孝必有說所不及者焉逮周公而後知之尔今讀侍讀公之文而曰吾宋三代之文於是而大成者其誰曰不然侍讀公之文多矣其序子健三闋獨擷拾於流離喪亂之餘其始健之亡也見幼之有作健則端起拜而藏之其在道路健則區溲而負之其後闔之長也聞孝士大夫之家或有之則身不遠而來之

孰得之則乎乎鈐槩之不知其勞也所得亦艱哉合為若干卷
然比之承平所有纔十之一焉為健請於其自五家少師公封
丘府君崇福府君之文侍讀公為之序則文必有序也其既
為之序以推原文元公文莊公所以基之而侍讀公所以大之
因是之曰韞櫝而藏之不若誦而誦之辭明而誦之不若朝
夕而行之庶乎其傳之也遠後世復有繼而興者焉

新刊 國朝二百家名賢文粹卷第一百五十六

新刊 國朝二百名賢文粹卷第二百五十七

序

文集序五

西江集序

方舟先生

士之所養關諸盛衰之運方其養之也氣類感召薰沃浸漬若有所受於天大小廣狹安於所賦不可強而得不可讓而致也雅頌之駉博大洪源迺徐豐衍怨而不至誅喜而不至溢浩乎其和博厚濶濶之氣不可及也至於國風二南以降過則淫佚流蕩其不及則悲噫惟悴分量局促若一日無以自容豈其聲音語言以相絕爲異哉蓋系其所養關諸盛衰之運也國家嘉祐熙寧以至於元祐名輩金玉之音雖不及見其人其聞而知之亦異矣其大者尚何敢議其小者亦自粲然一家蓋其所鍾厚矣西江集消誠之文也其卒雖不盡施而見於室言者雅此朴而雅深而明約而通近而理其左右所資者想見其人矣唐末

司空圖自以其文出皇甫湜推而上之以及於退之以驗其所傳之自然則圖之文退之之末流但時有先後耳今西江集所載如李才元鮮于子駿文與可皆同時所常往來至東坡父子熟矣後世欲知其文之自與夫一代作成粹美尚考信於斯言

胡子知言集序

南軒先生

知言五峯胡先生之所著也先生諱宏字仁中文定公之季子也自幼志於大道嘗見楊中立先生於京師又從侯師聖先生於荆門而卒傳文定公之學優游南山之下餘二十年玩心神明不舍晝夜力行所知親切至到析太極精微之蘊窮皇王制作之端綜事物於一源貫古今於一息指人欲之偏以見天理之全即形而下者而發無聲無臭之妙使學者驗端倪之不遠而造高深之無極先生之於道可謂見之明而擴之至矣晚歲嘗被召旨以疾不克造朝先生之學體用該備豈翹然志斯世者是書蓋平日所自筆述疾病時猶在枕間意有所到隨即更

定其言約其義精誠道學之樞要制治之著龜也或問於某曰
論語一書未嘗明言性子思中庸猶有天命之謂性一語而孟
子始道性善今先生是書反復論性爲甚詳無乃與聖賢之意
或有異乎其應之曰無以異也夫子雖未嘗明言性而子貢盡
嘗識之曰夫子之言性與天道不可得而聞也是豈真不可得而
聞哉蓋夫子之言無非性與天道之流行也至孟子之時如楊
朱墨翟告子之徒異說並興孟子懼學者之惑則指示大本使
知所止今之異端則又異乎古自謂識心見性其說開廣故高
明之士性往樂聞而直是之一隔其間則喪其本心墮弛萬事
毫釐之差霄壤之繆其禍可勝言哉先生於此又烏得而忘言
也其言有曰誠成天下之性性立天下之有情効天下之動心
妙性情之得又曰誠者命之道乎中者性之道乎仁者心之道
乎惟仁者爲能盡性至命學者能精察於視聽言動之間而知
心之所以爲妙則性命之理蓋可默識然後知先生之意與古

人若合符卽矣不然不知求仁而居然論性則幾何其不流於異端之歸乎某頃獲登門道義之誨決於心府自惟不敏有負夙知序次成書貽于同志不遑之罪所不得而辭焉

江諫議奏藁序

同前

諫議江公葵藁凡十有七篇上章執徐之際徽宗皇帝親萬機厭朋黨之論收召豪傑以自近放逐之目相繼起南荒越明年以建中靖國爲元思與天下更始於是公由奉常博士權左司諫自以不世遇進見拳拳不敢不盡有所聞見言之惟恐不及而於遠便倂敦友睦消黨與容受直言尤極反復致意上往往開納會數人得柄公旋即補外竄貶流落以死天下惜之西蜀興四棋有詔追錄贈公諫議大夫制詞有曰惟世道之多變致國論之靡常是非或出於愛憎吏除獨持於一卽推寵所忌寵午莫還嗚呼公亦庶幾無憾矣其側聞前輩道公事者云公在門下珍禽奇獸稍稍入內苑奏疏力諫其漸後數日上謂公前

所論繼已悉罷遣時獨一馴鵠不肯去上以杖擊之顧內侍刻
公姓名此杖上以志忠諫然則公言在當時不爲不用矣一斥
不復豈微考意耶而獲伸於紹興又豈非天也耶某得此書於
公之孫似祖伏而讀之不知涕泗之橫集嗟乎不有君子其能
國乎自祖宗有天下留意多士仁宗皇帝淵儒長育四十二年
而收其用爲元祐之政元祐諸君子雖厄窮百罹而直道隱然
流風所被議論著見於元符之末建中靖國之初蓋又彬彬如
也元氣不傾雖夷裔侵食而中興之日旋踵即見人才之爲國
重輕如此然則爲國計者其可忘封植愛護伸忠直之氣過導
諛之萌以壽天下之脉而人日幸登王朝其又可違回利害之
塗自同寒蟬卒陷委靡陵夷以負吾國家也郡學教授邵穎慨
然鐫版傳後其所向慕又可知已公諱公望字民表去

眉山王公王臺集序

洪內翰

五星宣精垂象人詹仰然唯太白最大東啓明西餞日無論

冬夏常察然麗天其居方在西靈光所乎芒潤煥然溢爲文章
之瑞岷蜀實當之自司馬長卿倡其華腴名薄宮環王子淵楊
子雲繼之輔轍河漢之輝英焰彌万丈不止也浸尋晉唐來者
如驚極而至乎東坡公前無古人於是衆作訖熄一時高第張
泰黃晁四君子之徒外堂親炙各隨淺深窺見一斑植立門戶
天下士不志於文則已心乎斯道舍而之它譬之醯醢守壘爲
天治其發蒙蓋將無所置視則生乎厥後聞而知之遙遙相承
燁如並峙若玉臺三公者可端拜矣公諱賞字望之實占籍於
眉而從兄弟通義君同安君爲坡夫人淵原漸濡故有端緒壯
年游譽已卓卓輩恍聞擢登俊造鼎甲留落過中身晚躋禁涂
童翰苑平生涵養渙焉彰施遂爲眉山嫡派而落筆成章得於
容易且不肯自閼重彙照留歲少子稱著意訪索辛勤四十年
僅逮什五凡爲詩四百有六存十記十二表劄五十書若啓七
十六內制三百四十三講義故事二十雜著五十一詞祝疏誄

八十二慧銘得狀四十一并之二憲千八十九篇從武都遣信
百舍重研持以相示斷叙其首將錄之本以敷詒後人遠自省
事來夢想老坡仙願爲之役得見近似者斯可矣攬之驩然併
日敬讀惟公之文大要以中正爲主每及名義風節事輒孰復
申言之不爲世俗諱已輟若其所論如堯不去四凶禹行其所
無事謂召公不說周公爲聖人微權陳平魏相有大功肅聖之
昧於天民達可行與夫正已而物正之詎折中陳壽之評諸葛
品杜子美爲姚宋間人笑韓子傲相國翰林之說梗概不可與
松栢並平涼徽備則夏虜不疑皆昔賢旨意所未到謂之城門
正宗可不可也王臺著青神鄉名公葬于是故以標其集稱傳
家善文富史李嘗上九朝東都事略得直秘閣今守階州云紹
熙三年十月五日煥章閣學士宣奉大夫提舉隆興府玉隆萬
壽宮魏郡公鄱陽洪邁序

先公遺事序

西山先生

先公既歿代翰林學士陳公狀其平生節義之大者以授丞相
趙公公又狀其大者以聞上為詔有司褒恤甚惠其小善細行
二公以古史法宜略於博之意有不忍者當嘉艱疾病中尚能
追錄於紙合三十事為一卷若先公所不言世所不言世所不
聞博功不足以知古所謂隱德者雖趙公陳公之賢博之不肖
皆不得而書矣悲夫紹興九年四月庚戌仲子左承議郎行秘
書省校書郎諱充實錄院檢討官博謹序

康節遺書序

同前

博大父康節公當仁宗至和嘉祐間韓國文忠公秉大政固
已謝聘不起一時交遊自富公司馬文正公呂正獻公而下皆
天下儘人其續古今之道妙天人之事博不肖不敢稱讚而論
在太常傳在太史與夫天下大夫孝士之正論可以考矣伏念
在昔孔子以魯著書其意甚遠後世僅存於屋壁之間者雖失
地胤之實臨之亦其孫騰之功也故博次第大父親書經書與

者所以正其綱曰敦古者所以厚其性也降及三代庠序之教
尤詳孟子曰學則三代共之皆所以明人倫也明古者講明之
而使之識其理之所以然也惟先王道行於家而化夾乎天下
萬事以正萬物以遂氣志交孚而無不應焉至于世衰道微之
時而流澤之在人心不可以進遏故詩三百篇設乎情止乎禮
義者聖人猶有取去耳然則人之所以爲聖賢與夫聖賢之教
人舍是五者其何以哉東萊呂祖謙伯恭父爲嚴陵教官與其
友取易春秋書詩禮傳魯論孟子聖賢之所以發明人倫之道
見於父子兄弟夫婦之祭者悉筆之于編又泛攷子史諸書已
下二千餘載間凡可以示訓者皆輯之惟其事之可法而已載
者之失實有所不計也惟其長之可取而已他爲之未善有不
暇問也間日攜所編以示宗而講訂焉未幾而成名以闢館某
謂此書行於世家藏藏之而人當樂之也家庭閭閻之內鄉里
族黨之間隨其見之淺深味之長短篤信力行皆足以有補然

在學者則當由是而講明之以求識其理之所以然者誠知是
書所載莫非吾分內事而莫之君乎皆非有所為而為之則其
精微親切必有顯露自得乎中者雖欲會是而不由亦不可得
矣書所登載其意旨亦猶經緯云

新刊 國朝 臣等奉 聖旨 欽此